





後漢書卷七十七

班固傳第七十七

宋

宣坐事城宮十太半奉守范曄擘撰出學

受直唐

養宗章帝八懷誠為太臺合子賢注

班梁列傳第三十七

問國職與安亦國權為官

班超傳

子勇 壯者許曰坐燕貽與銀而食肉此

班超字仲升扶風平陵人徐令彪之小子也為人有志

不修細節然內孝謹居家常執勤苦不耻勞辱有口辯

而涉獵書傳

涉如涉水獵如獵獸言不能周悉粗窺覽之也東觀記曰超持公羊春秋多所窺覽

永平五年兄固被召詣校書郎

校書郎解超與母隨至

洛陽家貧常為官傭書以供養久勞苦嘗輟業投筆歎



曰大丈夫無他志畧猶當效傅介子張騫立功異域以取封侯安能久事筆研間乎傅介子北地人元帝時使西域刺殺樓蘭王封義陽侯張騫漢中人武帝時鑿空開西域封博望侯續漢書作久弄筆研乎華嶠書作久事筆耕乎研音硯左

右皆笑之超曰小子安知壯士志哉其後行詣相者曰祭酒布衣諸生耳一坐所尊則先祭酒今稱祭酒相尊敬之詞也而當封侯萬

里之外超問其狀相者指曰生燕頰虎頸飛而食肉此萬里侯相也久之顯宗問固卿弟安在固對為官寫書

受直以養老母帝乃除超為蘭臺令史續漢志曰蘭臺石掌書劾奏及印主文書後坐事免官十六年奉車都尉竇固出擊

匈奴以超為假司馬將兵別擊伊吾戰於蒲類海多斬

首虜而還伊吾匈奴中地名在今伊州納職縣界前書音義曰蒲類匈奴中海名在敦煌北也固

以為能遣與從事郭恂俱使西域超到鄯善鄯善本西域樓蘭國也昭帝元鳳四年改為鄯善去陽關一千六百里去長安六千一百里也鄯善王廣奉超禮

敬甚備後忽更疎懈超謂其官屬曰寧覺廣禮意薄乎此必有北虜使來狐疑未知所從故也明者睹未萌況

已著邪乃召侍胡詐之曰匈奴使來數日今安在乎侍胡惶恐具服其狀超乃閉侍胡悉會其吏士三十六人

與其飲酒酣因激怒之曰卿曹與我俱在絕域曹輩也欲立大功以求富貴今虜使到裁數日而王廣禮敬即廢

如令鄯善收吾屬送匈奴骸骨長為豺狼食矣為之奈



何官屬皆曰今在危亡之地死生從司馬超曰不入虎  
穴不得虎子當今之計獨有因夜以火攻虜使彼不知  
我多少必大震怖可殄盡也滅此虜則鄯善破膽功成  
事立矣衆曰當與從事議之超怒曰吉凶決於今日從  
事文俗吏聞此必恐而謀泄死無所名非壯士也衆曰  
善初夜遂將吏士狂奔虜營會天大風超令十人持鼓  
藏虜舍後約曰見火然皆當鳴鼓大呼餘人悉持兵弩  
夾門而伏超乃順風縱火前後鼓噪虜衆驚亂超手格  
殺三人吏兵斬其使及從士三十餘級餘衆百許人悉  
燒死

東觀記曰斬得匈奴節使屋  
賴帶副使比離支首及節也

明日乃還告郭恂恂

大驚旣而色動超知其意舉手曰掾雖不行班超何心  
獨擅之乎恂乃悅超於是召鄯善王廣以虜使首示之  
一國震怖超曉告撫慰遂納子爲質還奏於竇固固大  
喜具上超功效并求更選使使西域帝壯超節詔固曰  
吏如班超何故不遣而更選乎今以超爲軍司馬令遂  
前功超復受使固欲益其兵超曰願將本所從三十餘  
人足矣如有不虞多益爲累是時于寘王廣德新攻破

莎車遂雄張南道

于寘國去長安九千六百七十里南  
與婁羌西與姑墨接莎車國去長安

九千九百五十里西域南北有大山中央有河東西六  
千餘里東至玉門陽關有兩道從鄯善傍南山北波河  
西行至莎車爲南道雄張猶熾盛而匈奴遣使監護其  
也張音丁亮反波傍也波音波



國超既西先至于寘廣德禮意甚疎且其俗信巫巫言神怒何故欲向漢漢使有駟馬急求取以祠我廣德乃遣使就超請馬續漢及華嶠書駟字並作驪說文馬淺黑色也音京媚反超密知其

狀報許之而令巫自來取馬有頃巫至超即斬其首以

送廣德因辭讓之廣德素聞超在鄯善誅滅虜使大惶

恐即攻殺匈奴使者而降超超重賜其王以下因鎮撫

焉時龜茲王建為匈奴所立倚恃虜威據有北道攻破

疏勒殺其王龜茲國居居延城去長安七千四百八十里南與精絕東與且末北與烏孫西與姑

墨接前書音義龜茲音丘慈今龜音丘勿反茲音沮惟反蓋急言耳自車師前王庭隨北山波河西行至疏勒

為北道疏勒國居疏勒城去長安九千三百五十里也而立龜茲人兜題為疏勒

王明年春超從間道至疏勒去兜題所居槃橐城九十

里逆遣吏田慮先往降之勅慮曰兜題本非疏勒種國

人必不用命若不即降便可執之慮既到兜題見慮輕

弱殊無降意慮因其無備遂前劫縛兜題左右出其不

意皆驚懼奔走慮馳報超超即赴之悉召疏勒將吏說

以龜茲無道之狀因立其故王兄子忠為王續漢書曰求得故王

兄子榆勒立之更名曰忠也國人大悅忠及官屬皆請殺兜題超不

聽欲示以威信釋而遣之疏勒由是與龜茲結怨十八

年帝崩焉者以中國大喪焉者國居員渠城去長安七千三百里北與烏孫接遂

攻沒都護陳睦超孤立無援而龜茲姑墨數發兵攻疏



勒姑墨國王居南城去長安八千一百五十里超守槃橐城與忠為首尾士

吏單少拒守歲餘肅宗初即位以陳睦新沒恐超單危

不能自立下詔徵超超發還疏勒舉國憂恐其都尉黎

弇曰漢使棄我我必復為龜茲所滅耳誠不忍見漢使

去因以刀自剄超還至于寘王侯以下皆號泣曰依漢

使如父母誠不可去互抱超馬脚不得行超恐于寘終

不聽其東又欲遂本志乃更還疏勒疏勒兩城自超去

後復降龜茲而與尉頭連兵尉頭國居尉頭谷去長安八千六百五十里南與疏

勒接衣服類烏孫也超捕斬反者擊破尉頭殺六百餘人疏勒復

安建初三年超率疏勒康居于寘拘彌兵一萬人攻姑

墨石城破之康居國去長安萬二斬首七百級超欲因

此匡平諸國匡猶也乃上疏請兵曰臣竊見先帝欲開西

域故北擊匈奴西使外國鄯善于寘即時向化今拘彌

莎車疏勒月氏烏孫康居復願歸附欲共并力破滅龜

茲平通漢道若得龜茲則西域未服者百分之二耳臣

伏自惟念卒伍小吏實願從谷吉效命絕域庶幾張騫

棄身曠野谷吉長安人永之父也元帝時為衛司馬使送郵支單于侍子為郵支所殺張騫武帝時

為郎使月氏為匈奴所閉留之十餘歲乃亡走大宛窮急即射禽獸給食昔魏絳列國大夫

尙能和輯諸戎魏絳晉大夫晉悼公時山戎使孟樂如晉因魏絳納虎豹之皮請和諸戎公悅

使魏絳盟諸戎事況臣奉大漢之威而無鉛刀一割之

見左傳輯亦和也



用乎賈誼曰莫邪為鈍兮鉛刀為銛前世議者皆曰取

三十六國號為斷匈奴右臂前書曰漢遣公主為烏孫

奴右臂也哀帝時劉歆上議曰武帝時立五屬國起朔

方伐朝鮮起玄菟樂浪以斷匈奴之左臂也西伐大宛

結烏孫裂匈奴之右今西域諸國自日之所入莫不向

化西域傳曰自條支國乘水西大小欣欣貢奉不絕唯

焉耆龜茲獨未服從臣前與官屬三十六人奉使絕域

備遭艱厄自孤守疏勒於今五載胡夷情數臣頗識之

問其城郭小大皆言倚漢與依天等以是效之則葱領

可通效猶驗也西河舊事曰葱葱領通則龜茲可伐今

宜拜龜茲侍子白霸為其國王以步騎數百送之與諸

國連兵歲月之間龜茲可禽以夷狄攻夷狄計之善者

也前書晁錯曰以蠻夷臣見莎車疏勒田地肥廣草牧

饒衍不比敦煌鄯善間也敦煌今涼州縣兵可不費中國而糧

食自足且姑墨溫宿二王特為龜茲所置溫宿國王居

安八千三百既非其種更相厭苦其執必有降反若二

國來降則龜茲自破願下臣章參考行事誠有萬分死

復何恨臣超區區特蒙神靈竊冀未便僵仆日見西域

平定陛下舉萬年之觴詩曰躋彼公堂稱彼兕觥萬壽

上千萬薦勳祖廟布大喜於天下薦進也勳功也左氏

策勳書奏帝知其功可成議欲給兵平陵人徐幹素與

焉策勳書奏帝知其功可成議欲給兵平陵人徐幹素與



超同志上疏願奮身佐超五年遂以幹為假司馬將弛刑及義從千人就超先是莎車以為漢兵不出遂降於

龜茲而疏勒都尉番辰番音潘下同亦復反叛會徐幹適至

超遂與幹擊番辰大破之斬首千餘級多獲生日超既

破番辰欲進攻龜茲以烏孫兵彊宜因其力乃上言烏

孫大國控弦十萬故武帝妻以公主烏孫國居赤谷城去長安八千九百

里武帝元封中以江都王建女細君為公主至孝宣皇帝

主以妻烏孫贈送甚盛烏孫以為右夫人卒得其用西域傳曰宣帝即位烏孫遣使上書言匈奴

連發大兵侵擊烏孫欲隔絕漢烏孫願發國半精兵五萬騎盡力擊匈奴唯天子出兵以救公主漢

大發十五萬騎五將軍分道並出烏孫以五萬騎從西方入至右谷蠡王庭獲四萬餘級馬牛羊七十餘萬今可遣使招慰與共合力帝

納之八年拜超為將兵長史假鼓吹幢麾將兵長史解

帝元始二年使謁者大司馬掾持節行邊兵遣執金吾

侯陳茂假以鉦鼓古今樂錄曰橫吹胡樂也張騫入西

域傳其法於長安唯得摩訶兜勒一曲李延年因之更

造新聲二十八解乘輿以為武樂後漢以給邊將萬人

將軍得之在俗用者有黃鵠隴頭出關入關出塞入塞

折楊柳黃覃子赤之楊望行人十曲劉熙釋名曰幢童

也其貌童然蔡邕月令章句曰羽鳥翼也以為旌以

幢麾也橫吹幢童皆大將所有超非大將故言假徐幹為軍司馬別遣衛候李邑護送烏孫使者賜大小

昆彌以下錦帛前書曰烏孫國王先號昆莫名獵驕靡音有輕重耳昆莫既死子孫爭國漢令立元貴靡為大

李邑始到于寘而值龜茲攻疏勒恐懼不敢前因上書陳西域之功不可成又盛毀超擁愛妻抱愛子安樂外



國無內顧心超聞之歎曰身非曾參而有三至之讒恐見疑於當時矣三至解見寇榮傳遂去其妻帝知超忠乃切責

邑曰縱超擁愛妻抱愛子思歸之士千餘人何能盡與

超同心乎令邑詣超受節度詔超若邑任在外者便留

與從事超即遣邑將烏孫侍子還京師徐幹謂超曰邑

前親毀君欲敗西域今何不緣詔書留之更遣他吏送

侍子乎超曰是何言之陋也以邑毀超故今遣之內省

不疚何邨人言疾病也邨憂也論語孔子曰內省不疚夫何憂何懼左氏傳曰詩云禮義不愆

何恤乎人之言快意留之非忠臣也明年復遣假司馬

和恭等四人將兵八百詣超超因發疏勒于寘兵擊莎

車莎車陰通使疏勒王忠啖以重利謂多以珍寶誘引之啖音徒濫反前

書高祖令陸賈往說秦將啗以利啖與啗同忠遂反從之西保烏即城超乃

更立其府丞成大為疏勒王悉發其不反者以攻忠積

半歲而康居遣精兵救之超不能下是時月氏新與康

居婚相親超乃使使多齎錦帛遺月氏王令曉示康居

王康居王乃罷兵執忠以歸其國烏即城遂降於超後

三年忠說康居王借兵還據損中損中未詳東觀記作頓中續漢及華嶠書

並作損中本或作植未知孰是也密與龜茲謀遣使詐降於超超內知

其姦而外偽許之忠大喜即從輕騎詣超超密勒兵待

之為供張設樂供音居用反張音竹亮反酒行乃叱吏縛忠斬之因



擊破其衆殺七百餘人南道於是遂通明年超發于寘  
諸國兵二萬五千人復擊莎車而龜茲王遣左將軍發  
溫宿姑墨尉頭合五萬人救之超召將校及于寘王議  
曰今兵少不敵其計莫若各散去于寘從是而東長史  
亦於此西歸可須夜鼓聲而發陰緩所得生口龜茲王  
聞之大喜自以萬騎於西界遮超溫宿王將八千騎於  
東界徼于寘超知二虜已出密召諸部勒兵雞鳴馳赴  
莎車營胡大驚亂奔走追斬五千餘級大獲其馬畜財  
物莎車遂降龜茲等因各退散自是威震西域初月氏  
嘗助漢擊車師有功是歲貢奉珍寶符拔師子

續漢書  
日符拔

形似麟  
而無角

因求漢公主超拒還其使由是怨恨永元二年  
月氏遣其副王謝將兵七萬攻超超衆少皆大恐超譬  
軍士曰月氏兵雖多然數千里踰葱嶺來非有運輸何  
足憂邪但當收穀堅守彼飢窮自降不過數十日決矣  
謝遂前攻超不下又鈔掠無所得超度其糧將盡必從  
龜茲求救乃遣兵數百於東界要之謝果遣騎齎金銀  
珠玉以賂龜茲超伏兵遮擊盡殺之持其使首以示謝  
謝大驚卽遣使請罪願得生歸超縱遣之月氏由是大  
震歲奉貢獻明年龜茲姑墨溫宿皆降乃以超爲都護  
徐幹爲長史拜白霸爲龜茲王遣司馬姚光送之超與



光其脅龜茲廢其王尤利多而立白霸使光將尤利多  
還詣京師超居龜茲乾城徐幹屯疏勒西域唯焉耆  
危須尉犁以前沒都護懷二心其餘悉定六年秋超遂  
發龜茲鄯善等八國兵合七萬人及吏士賈客千四百  
人討焉耆兵到尉犁界而遣曉說焉耆尉犁危須曰都  
護來者欲鎮撫三國卽欲改過向善宜遣大人來迎當  
賞賜王侯已下大人謂其酋長事畢卽還今賜王綵五百匹焉  
耆王廣遣其左將北鞬支奉牛酒迎超鞬音九超詰鞬  
支曰汝雖匈奴侍子而今秉國之權都護自來王不以  
時迎皆汝罪也或謂超可便殺之超曰非汝所及此人

權重於王今未入其國而殺之遂令自疑設備守險豈

得到其城下哉於是賜而遣之廣乃與大人迎超於尉

犁奉獻珍物焉耆國有鞞橋之險廣乃絕橋不欲令漢

軍入國超更從它道厲度由帶以上爲厲由膝以下爲揭見爾雅也七月晦

到焉耆去城二十里正營大澤中○劉攽曰案文正當作止廣出不

意大恐乃欲悉驅其人共入山保焉耆左候元孟先嘗

質京師密遣使以事告超超卽斬之示不信用乃期大

會諸國王因揚聲當重加賞賜於是焉耆王廣尉犁王

汎及北鞬支等三十人相率詣超其國相腹久等十七

人懼誅皆亡入海十七字本或爲七十而危須王亦不至坐定超



怒詰廣曰危須王何故不到腹久等所緣逃亡遂叱吏  
士收廣汎等於陳睦故城斬之傳首京師因縱兵鈔掠  
斬首五千餘級獲生口萬五千人馬畜牛羊三十餘萬  
頭更立元孟爲焉耆王超留焉耆半歲慰撫之於是西  
域五十餘國悉皆納質內屬焉明年下詔曰往者匈奴  
獨擅西域寇盜河西永平之末城門晝閉先帝深愍邊  
氓嬰罹寇害乃命將帥擊右地破白山臨蒲類西河舊  
事曰白  
山之中有好木匈奴謂之天山去蒲類海百里郭義恭  
廣志曰西域有白山通歲有雪亦名雪山破白山見明  
紀取車師城郭諸國震懼響應遂開西域置都護而焉  
耆王舜舜子忠獨謀悖逆恃其險隘覆沒都護并及吏

士先帝重元元之命憚兵役之興故使軍司馬班超安

集于寘以西超遂踰葱嶺迄縣度

迄至也縣度山名縣  
音立謂以繩索縣絕

而過也其處在皮山國  
以西蜀賓國之東也

出入二十二年莫不賓從改立

其王而綏其人不動中國不煩戎士得遠夷之和同異

俗之心而致天誅蠲宿耻以報將士之讐

致猶至也  
蠲除也

司

馬法曰賞不踰月欲人速覩爲善之利也其封超爲定

遠侯邑千戶

東觀記曰其以漢中郡南鄭之西鄉戶千  
封超爲定遠侯故城在今洋州西鄉縣南

超自以久在絕域年老思土十二年上疏曰臣聞太公

封齊五世葬周狐死首丘代馬依風

禮記曰太公封於  
營丘比及五世皆

反葬於周君子曰樂樂其所自生禮不亡其本古之人  
有言曰狐死正丘首仁也鄭玄注曰正丘首丘也代郡



名在趙北韓詩外傳曰代夫周齊同在中土千里之間

馬依北風飛鳥揚故巢也況於遠處絕域小臣能無依風首丘之思哉蠻夷之俗

畏壯侮老案前書曰匈奴其俗壯者食肥美老者食其餘貴壯健賤老弱也臣超犬馬

齒殲常恐年衰奄忽僵仆孤魂棄捐昔蘇武留匈奴中

尚十九年今臣幸得奉節帶金銀護西域金銀謂印也金印紫綬銀

印青綬也如自以壽終屯部誠無所恨然恐後世或名臣為

沒西域臣不敢望到酒泉郡但願生入玉門關玉門關屬敦煌

郡今沙州也去長安二千六百里關在敦煌縣西臣老

病衰困冒死瞽言謹遣子勇隨獻物入塞東觀記曰時安息遣使獻

大爵師子超遣子勇隨入塞也及臣生在令勇目見中土而超妹同郡

曹壽妻昭亦上書請超曰妾同產兄西域都護定遠侯

超幸得以微功特蒙重賞爵列通侯位二千石天恩殊

絕誠非小臣所當被蒙超之始出志捐軀命冀立微功

以自陳效會陳睦之變道路隔絕超以一身轉側絕域

曉譬諸國因其兵衆每有攻戰輒為先登身被金夷夷傷

也不避死亡賴蒙陛下神靈且得延命沙漠至今積三

十年骨肉生離不復相識所與相隨時人士衆皆已物

故超年最長今且七十衰老被病頭髮無黑兩手不仁

不仁猶不遂也耳目不聰明扶杖乃能行雖欲竭盡其力以報

塞天恩迫於歲暮犬馬齒索蠻夷之性悖逆侮老而超

乾隆四年校刊 後漢書卷七十七 列傳 七



日暮入地久不見代恐開姦宄之源生逆亂之心而卿大夫咸懷一切莫肯遠慮如有卒暴超之氣力不能從心便為損國家累世之功下棄忠臣竭力之用誠可痛也故超萬里歸誠自陳苦急延頸踰望三年於今未蒙省錄踰造也高祖踰謂妾竊聞古者十五受兵六十還之周禮曰及六夫職曰國中七尺以及六十野自六尺外傳曰二十行役六十免役與周禮國中同即知一與中五尺謂二十七尺從野六尺即此言十五受兵謂據野外為言六十還之據國中為說也。劉攽曰注即知與周禮七尺同禮國中六十免役案文二字當作二十又下文禮國中亦有休息不任職也緣陛下以至孝理當云周禮國中

天下得萬國之歡心不遺小國之臣況超得備侯伯之位故敢觸死為超求哀句超餘年句乞一得生還復見

闕庭使國永無勞遠之慮西域無倉卒之憂超得長蒙

文王葬骨之恩子方哀老之惠葬骨解見明紀田子方魏文侯之師也見君之

老馬棄之曰少盡其力老而棄之非詩云民亦勞止汔

可小康惠此中國以綏四方詩大雅也汔其也康綏皆安也言先施恩惠於中國

然後乃超有書與妾生訣恐不復相見妾誠傷超以壯

年竭忠孝於沙漠疲老則便捐死於曠野誠可哀憐如

不蒙救護超後有一旦之變冀幸超家得蒙趙母衛姬

先請之貸趙母謂趙奢之妻趙括之母也懼括敗先請得不坐事見史記衛姬者齊桓公之姬桓公



與管仲謀伐衛桓公入姬妾愚戇不知大義觸犯忌諱

請衛之罪事見列女傳也

書奏帝感其言乃徵超還超在西域三十一年十四年

八月至洛陽拜爲射聲校尉超素有胷脅疾旣至病遂

加帝遣中黃門問疾賜醫藥其九月卒年七十一朝廷

愍惜焉使者弔祭贈賙甚厚子雄嗣初超被徵以戊巳

校尉任尙爲都護○劉攽曰案是時但有戊校尉多巳字與超交代尙謂

超曰君侯在外國三十餘年而小人猥承君後任重慮

淺宜有以誨之超曰年老失智任君數當大位豈班超

所能及哉必不得已願進愚言塞外吏士本非孝子順

孫皆以罪過徙補邊屯而蠻夷懷鳥獸之心難養易敗

今君性嚴急水清無大魚察政不得下和家語孔子曰水至清則無

魚人至察則無徒宜蕩佚簡易寬小過總大綱而已超去後尙

私謂所親曰我以班君當有奇策今所言平平耳尙至

數年而西域反亂以罪被徵如超所戒有子長子雄

累遷屯騎校尉會叛羌寇三輔詔雄將五營兵屯長安

就拜京兆尹雄卒子始嗣尙清河孝王女陰城公主主

順帝之姑貴驕淫亂與嬖人居帷中而召始入使伏牀

下始積怒永建五年遂拔刃殺主帝大怒腰斬始同產

皆棄市超少子勇吏中緝平元六年平焯徵太守曹宗

勇字宜僚少有父風永初元年西域反叛以勇爲軍司



馬與兄雄俱出敦煌迎都護及西域甲卒而還因罷都護後西域絕無漢吏十餘年元初六年敦煌太守曹宗遣長史索班將千餘人屯伊吾車師前王及鄯善王皆來降班後數月北單于與車師後部遂共攻沒班進擊走前王畧有北道鄯善王急求救於曹宗宗因此請出兵五千人擊匈奴報索班之耻因復取西域鄧太后召勇詣朝堂會議先是公卿多以為宜閉玉門關遂棄西域勇上議曰昔孝武皇帝患匈奴彊盛兼總百蠻以逼障塞於是開通西域離其黨與論者以為奪匈奴府藏斷其右臂遭王莽篡盜徵求無厭胡夷忿毒遂以背叛

光武中興未遑外事故匈奴負彊驅率諸國及至永平

再攻敦煌河西諸郡城門晝閉孝明皇帝深惟廟策古者

謀事必就祖  
故言廟策也

乃命虎臣出征西域

毛詩曰進厥虎  
臣闕如虓虎

故匈奴

奴遠遁邊境得安及至永元莫不內屬會間者羌亂西域復絕北虜遂遣責諸國備其逋租高其價直嚴以期會鄯善車師皆懷憤怨思樂事漢其路無從前所以時有叛者皆由牧養失宜還為其害故也今曹宗徒耻於前負欲報雪匈奴而不尋出兵故事未度當時之宜也夫要功荒外萬無一成若兵連禍結悔無及已況今府藏未充師無後繼是示弱於遠夷暴短於海內臣愚以



爲不可許也舊敦煌郡有營兵三百人今宜復之復置  
護西域副校尉居於敦煌如永元故事又宜遣西域長  
史將五百人屯樓蘭西當焉耆龜茲徑路南疆鄯善于  
寘心膽北扞匈奴東近敦煌如此誠便尙書問勇曰今  
立副校尉何以爲便又置長史屯樓蘭利害云何勇對  
曰昔永平之末始通西域初遣中郎將居敦煌後置副  
校尉於車師旣爲胡虜節度又禁漢人不得有所侵擾  
故外夷歸心匈奴畏威今鄯善王尤還尤還漢人外孫  
若匈奴得志則尤還必死此等雖同鳥獸亦知避害若  
出屯樓蘭足以招附其心愚以爲便長樂衛尉鐔顯廷

尉綦母參司隸校尉崔據難曰朝廷前所以棄西域者  
以其無益於中國而費難供也今車師已屬匈奴鄯善  
不可保信一旦反覆班將能保北虜不爲邊害乎以勇爲軍

司馬故以將言  
將音子亮反

勇對曰今中國置州牧者以禁郡縣姦

猾盜賊也若州牧能保盜賊不起者臣亦願以要斬保  
匈奴之不爲邊害也今通西域則虜執必弱虜執必弱  
則爲患微矣○劉攽曰案文此句多一必字孰與歸其府藏續其斷臂  
哉今置校尉以扞撫西域設長史以招懷諸國若棄而  
不立則西域望絕望絕之後屈就北虜緣邊之郡將受  
困害恐河西城門必復有晝閉之儆矣今不廓開朝廷



之德而拘屯戍之費若北虜遂熾豈安邊久長之策哉  
太尉屬毛軫難曰今若置校尉則西域駱驛遣使求索  
無馱與之則費難供不與則失其心一旦爲匈奴所迫  
當復求救則爲役大矣勇對曰今設以西域歸匈奴而  
使其恩德大漢不爲鈔盜則可矣如其不然則因西域  
租入之饒兵馬之衆以擾動緣邊是爲富仇讐之財增  
暴夷之執也置校尉者宣威布德以繫諸國內向之心  
以疑匈奴覬覦之情而無財費耗國之慮也且西域之  
人無它求索其來入者不過稟食而已今若拒絕執歸  
北屬夷虜并力以寇并涼則中國之費不止千億置之

誠便於是從勇議復敦煌郡營兵三百人置西域副校  
尉居敦煌雖復羈縻西域然亦未能出屯其後匈奴果  
數與車師共入寇鈔河西大被其害延光二年夏復以  
勇爲西域長史將兵五百人出屯柳中

柳中今西州縣

明年正

月勇至樓蘭以鄯善歸附特加三綬而龜茲王白英猶  
自疑未下勇開以恩信白英乃率姑墨温宿自縛詣勇  
降勇因發其兵步騎萬餘人到車師前王庭擊走匈奴  
伊蠡王於伊和谷收得前部五千餘人於是前部始復  
開通還屯田柳中四年秋勇發敦煌張掖酒泉六千騎  
及鄯善疏勒車師前部兵擊後部王軍就大破之

軍就名也



首虜八千餘人馬畜五萬餘頭捕得軍就及匈奴持節使者將至索班沒處斬之以報其耻傳首京師永建元年更立後部故王子加特奴爲王勇又使別校誅斬東且彌王亦更立其種人爲王且音子於是車師六國悉平其冬勇發諸國兵擊匈奴呼衍王呼衍王亡走其衆二萬餘人皆降捕得單于從兄勇使加特奴手斬之以結車師匈奴之隙北單于自將萬餘騎入後部至金且谷勇使假司馬曹俊馳救之單于引去俊追斬其貴人骨都侯於是呼衍王遂徙居枯梧河上是後車師無復虜跡城郭皆安唯焉耆王元孟未降二年勇上請攻元

孟於是遣敦煌太守張朗將河西四郡兵三千人配勇

河西四郡金城敦煌張掖酒泉

因發諸國兵四萬餘人分騎爲兩道擊

之勇從南道朗從北道約期俱至焉耆而朗先有罪欲徼功自贖遂先期至爵離關遣司馬將兵前戰首虜二千餘人元孟懼誅逆遣使乞降張朗徑入焉耆受降而還元孟竟不肯面縛唯遣子詣闕貢獻朗遂得免誅勇以後期徵下獄免後卒于家

梁懂字伯威

謹音勤

北地弋居人也

弋居縣名郡國志曰有鐵官

父諷

歷州宰永元元年車騎將軍竇憲出征匈奴除諷爲軍



司馬令先齎金帛使北單于宣國威德其歸附者萬餘人後坐失憲意髡輸武威武威太守承旨殺之竇氏既滅和帝知其爲憲所誣徵愼除爲郎中愼有勇氣常慷慨好功名初爲車騎將軍鄧鴻司馬再遷延平元年拜西域副校尉愼行至河西會西域諸國反叛攻都護任尙於疏勒尙上書求救詔愼將河西四郡羌胡五千騎馳赴之愼未至而尙已得解會徵尙還以騎都尉段禧爲都護西域長史趙博爲騎都尉禧博守它乾城它乾城小愼以爲不可固乃譎說龜茲王白霸欲入共保其城白霸許之吏人固諫白霸不聽愼旣入遣將急迎禧

博合軍八九千人龜茲吏人並叛其王而與温宿姑墨數萬兵反共圍城愼等出戰大破之連兵數月胡衆敗走乘勝追擊凡斬首萬餘級獲生口數千人駱駝畜產數萬頭龜茲乃定而道路尙隔檄書不通歲餘朝廷憂之公卿議者以爲西域阻遠數有背叛吏士屯田其費無已永初元年遂罷都護遣騎都尉王弘發關中兵迎愼禧博及伊吾盧柳中屯田吏士二年春還至敦煌會衆羌反叛朝廷大發兵西擊之逆詔愼留爲諸軍援愼至張掖日勒日勒縣名屬張掖郡故城在今甘肅州刪丹縣東南羌諸種萬餘人攻亭候殺畧吏人愼進兵擊大破之乘勝追至昭武縣名



屬張掖郡故城在今甘肅張掖縣西北也虜遂散走其能脫者十三三及至

姑臧羌大豪三百餘人詣謹降並慰譬遣還故地河西

四郡復安謹受詔當屯金城聞羌轉寇三輔迫近園陵

即引兵赴擊之轉戰武功美陽關美陽縣名故城在武功縣北七里於其所

置關謹臨陣被創不顧連破走之盡還得所掠生口獲馬

畜財物甚衆羌遂奔散朝廷嘉之數璽書勞勉委以西

方事令為諸軍節度三年冬南單于與烏桓大人俱反

以大司農何熙行車騎將軍事中郎將龐雄為副將羽

林五校營士及發緣邊十郡兵二萬餘人緣邊十郡謂

襄陽門朔方代郡上谷漁陽遼西右北平又遼東太守耿夔率將鮮卑種衆

共擊之詔謹行度遼將軍事龐雄與耿夔共擊匈奴與

鞬日逐王破之單于乃自將圍中郎將耿种於美稷連

戰數月攻之轉急种移檄求救明年正月謹將八千餘

人馳往赴之至屬國故城與匈奴左將軍烏桓大人戰

破斬其渠帥殺三千餘人虜其妻子獲財物甚衆單于

復自將七八千騎迎攻圍謹謹被甲奔擊所向皆破虜

遂引還虎澤三月何熙軍到五原曼柏曼柏縣名屬五原郡暴疾

不能進遣龐雄與謹及耿种步騎萬六千人攻虎澤連

營稍前單于惶怖遣左奧鞬日逐王詣謹乞降謹乃大

陳兵受之單于脫帽徒跣面縛稽顙納質會熙卒于師



卽拜懂度遼將軍龐雄還爲大鴻臚雄巴郡人有勇畧  
稱爲名將明年安定北地上郡皆被羌寇穀貴人流不  
能自立詔懂發邊兵迎三郡太守使將吏人徒扶風界  
懂卽遣南單于兄子優孤塗奴將兵迎之旣還懂以塗  
奴接其家屬有勞輒授以羌侯印綬坐專擅徵下獄抵  
罪明年校書郎馬融上書訟懂與護羌校尉龐參有詔  
原刑語在龐參傳會叛羌寇三輔關中盜賊起拜懂謁  
者將兵擊之至湖縣病卒  
何熙字孟孫陳國人少有大志永元中爲謁者身長八  
尺五寸善爲威容贊拜殿中音動左右和帝偉之擢爲

御史中丞歷司隸校尉大司農及在軍臨歿遺言薄葬  
三子臨瑾阜臨瑾並有政能阜俊才早歿臨子衡爲尙  
書以正直稱坐訟李膺等下獄免官廢于家

論曰時政平則文德用而武畧之士無所奮其力能故  
漢世有發憤張膽爭膏身於夷狄以要功名多矣祭彤  
耿秉啓匈奴之權班超梁懂奮西域之畧卒能成功立  
名享受爵位薦功祖廟勒勲于後亦一時之志士也

贊曰定遠慷慨專功西遐坦步葱雪咫尺龍沙

葱領雪山白龍

堆沙漠也八寸曰咫坦步言不以爲艱咫尺言不以爲遠也

曰其父析薪其子弗克負荷言勇能繼超之功業

左傳



後漢書卷七十七

後漢書卷七十七考證

班超傳祭酒布衣諸生耳注今稱祭酒相尊敬之詞也

○顧起元曰相稱得為祭酒猶唐人之稱先輩耳

梁懂傳河西四郡復安○宋本無四字臣會汾按武帝

取匈奴昆邪休屠地置武威張掖酒泉燉煌是為河

西四郡今從監本



西四時今并蓋本

東向双其非林習此置近叔耶蘇郡泉嫩數景為西  
采對軒何西四時新安○宋本無四字 引會為 武九帝

○爾賦云日... 引會為 武九帝

後漢書卷七十七考證

後漢書卷七十七考證

後漢書卷七十七考證

後漢書卷七十七考證

後漢書卷七十七考證

後漢書卷七十七考證

後漢書卷七十七考證

後漢書卷七十七考證

後漢書卷七十七考證

後漢書卷七十七考證

後漢書卷七十七考證

後漢書卷七十七考證

乾隆四年校刊

後漢書卷七十七考證

一



孫惡惡止其身百王常典不易之道也

春秋昭公二十一年曹公孫會自

鄭出奔宋公羊傳曰畔也曷為不言畔為公子喜時之

後諱也春秋為賢者諱也何賢乎公子喜時讓國也君

善及子孫賢者子孫故君子為之諱秦政酷烈違牾

天心豈人有罪延及三族前書音義曰父高祖平亂約

法三章太宗至仁除去收孥太宗文帝也史記曰文帝

收孥相坐萬姓廓然蒙被更生澤及昆蟲功垂萬世陛

下聖明德被四表今以此年久旱災疫未息災字或作

躬自菲薄廣訪失得三代之隆無以加焉臣竊按春秋

水旱之變皆應暴急惠不下流自永平以來仍連大獄

有司窮考轉相牽引掠拷冤濫家屬徙邊加以北征匈

奴西開三十六國頻年服役轉輸煩費又遠屯伊吾樓

蘭車師戍已民懷土思怨結邊域傳曰安土重居謂之

衆庶元帝詔曰安土重昔殷人近遷洛邑且猶怨望尚

盤庚序曰盤庚五遷將治亳殷人咨何況去中土之肥

饒寄不毛之荒極乎毛草也爾雅曰孤竹北戶西王母

西至於邠國南至於濮鈇北至於祝栗謂之且南方暑

濕障毒互生愁困之民足以感動天地移變陰陽矣陛

下留念省察以濟元元書奏肅宗下其章司空第五倫

亦同終議太尉牟融司徒鮑昱校書郎班固等難倫以

施行既久孝子無改父之道先帝所建不宜回異終復



上書曰秦築長城功役繁興胡亥不革卒亡四海故孝

元棄珠崖之郡光武絕西域之國不以介鱗易我衣裳

元帝初元三年珠崖郡反待詔賈捐之以為宜棄珠崖

救人飢餓乃罷珠崖郡光武二十一年鄯善車師王等

十六國皆遣子入侍請都護帝以中國初定未遑外事

也衣裳謂中國也楊雄法言曰珠崖之

絕捐之之力也否則鱗介易我衣裳

春秋譏之曰先祖為之而已毀之不如勿居而已以其

無妨害於民也公羊傳曰毀泉臺何以書譏爾策之譏

也襄公作三軍昭公舍之君子大其復古以為不舍則

有害於民也公羊傳曰襄公十一年作三軍三軍者何

何復古也言舍之三卿也昭公五年傳曰舍中軍舍中軍者

與留量時制宜也今伊吾之役樓蘭之屯久而未還非

天意也帝從之聽還徙者悉罷邊屯終又言宣帝博徵

羣儒論定五經於石渠閣方今天下少事學者得成其

業而章句之徒破壞大體宜如石渠故事永為後世則

於是詔諸儒於白虎觀論考同異焉會終坐事繫獄博

士趙博校書郎班固賈逵等以終深曉春秋學多異聞

表請之終又上書自訟即日貰出乃得與於白虎觀焉

與音預後受詔刪太史公書為十餘萬言時太后兄衛尉

馬廖謹篤自守不訓諸子終與廖交善以書戒之曰終

聞堯舜之民可比屋而封桀紂之民可比屋而誅事見陸賈

新何者堯舜為之隄防桀紂示之驕奢故也詩曰皎皎

乾隆四年校刊



練絲在所染之

逸詩曰皎皎白貌也墨子曰墨子見染絲者歎曰染於蒼則蒼染於黃則黃故

染不可不慎也上智下愚謂之不移中庸之流要在教化春秋

殺太子母弟直稱君甚惡之者坐失教也

公羊傳曰晉侯殺其太子

申生易為直稱晉侯日以殺其太子母弟直稱君者甚之也○劉攽曰注稱晉侯日以殺其太子案今文當云

易為直稱晉侯禮制人君之子年八歲為置少傅教之

書計以開其明

大戴禮曰古者八歲出就外舍學小戴焉履小節焉又曰為置三少曰少保少

傅少師是與太子宴者也禮記內則曰十五置太傅教

之經典以道其志漢興諸侯王不力教誨多觸禁忌故

有亾國之禍而乏嘉善之稱今君位地尊重海內所望

豈可不臨深履薄以為至戒黃門郎年幼血氣方盛子

防及光俱為黃門郎孔子曰及既無長君退讓之風帝

其壯也血氣方剛戒之在鬪也既無長君退讓之風帝

寶后兄長君弟廣國字少君此兩人所出微絳灌等選長者之有節行者與之居長君少君由此為退讓君子

不敢以富貴驕人也而要結輕狡無行之客縱而莫誨視成任性

馬防傳曰兄弟貴盛賓客奔湊四鑒念前世可為寒心

君侯誠宜以臨深履薄為戒廖不納子豫後坐縣書誹

謗縣音懸廖以就國終兄鳳為郡吏太守廉范為州所考

益部耆舊傳曰終徙於北地望松縣而母

遣鳳候終終為范游說坐徙北地於蜀物故終自傷被罪充邊帝東巡狩鳳皇黃龍並集

乃作晨風之詩以舒其憤也終贊頌嘉瑞上述祖宗鴻業凡十五章奏上詔貫還故

郡著春秋外傳十二篇改定章句十五萬言永元十二



年徵拜郎中以病卒

袁山松書曰侍中賈逵薦終博達忠直徵拜郎中及卒賜錢二十萬

也贊皇嘉業士故師宗業八十五章奏上請贊毀

李法傳

帝東巡於鳳皇黃龍並集

李法字伯度漢中南鄭人也博通羣書性剛而有節和帝永元九年應賢良方正對策除博士遷侍中光祿大夫歲餘上疏以為朝政苛碎違永平建初故事宦官權重椒房寵盛又譏史官記事不實後世有識等功計德必不明信坐失旨下有司免為庶人還鄉里杜門自守故人儒生時有候之者言談之次問其不合上意之由法未嘗應對友人固問之法曰鄙夫可與事君乎哉苟

患失之無所不至

此以上論語孔子之言也鄭玄注云無所不至謂諂佞邪媚無所不為也

孟子有言夫仁者如射正己而後發發而不中不怨勝

己者反諸身而已矣

孟子公孫丑篇之言也反諸身在而已言克己自責不責人也

家八年徵拜議郎諫議大夫正言極辭無改於舊出為

汝南太守政有聲迹後歸鄉里卒於家

翟酺傳

書不... 酺受恩封爵...

翟酺字子超廣漢雒人也

雒屬廣漢郡漳山雒水所出南入湔故城在今雒縣南湔

音子四世傳詩酺好老子尤善圖緯天文歷算以報舅

讐當徙日南亡於長安為卜相工後牧羊涼州遇赦還

仕郡徵拜議郎遷侍中時尚書有缺詔將大夫六百石



以上試對政事天文道術以高第者補之酺自恃能高而忌故太史令孫懿恐其先用乃往候懿既坐言無所及唯涕泣流連懿怪而問之酺曰圖書有漢賊孫登將以才智為中官所害觀君表相似當應之春秋保乾圖曰漢賊臣名孫登大形小口長七尺九寸巧用法多技方詩書不用賢人杜口也酺受恩接悽愴君之禍耳懿憂懼移病不試移病謂作文移而稱病也由是酺對第一拜尚書時安帝始親政事追感祖母宋貴人悉封其家又元舅耿寶及皇后兄弟閻顯等並用威權酺上疏諫曰臣聞微子佯狂而去殷叔孫通背秦而歸漢彼非自疎其君時不可也臣荷殊絕之恩蒙值不諱之政豈敢雷

同受寵而以戴天履地

雷之發聲物皆同應言無是非者謂之雷同禮記曰毋雷同左

傳曰君履后土而戴皇天也

伏惟陛下應天履祚歷值中興當建太平之功而未聞致化之道蓋遠者難明請以近事徵之

昔竇鄧之寵傾動四方兼官重紱盈金積貨至使議弄

神器改更社稷

神器謂天位也老子曰天下神器不可為也竇憲出入禁中得幸太后圖為殺

害帝知其謀誅之鄧太后崩宮人告鄧悝鄧弘等取廢帝故事謀立平原王得帝聞遂免鄧氏為庶人也豈

不以執尊威廣以致斯患乎及其破壞頭顱墮地願為

孤豚豈可得哉

莊子曰或聘莊子莊子謂其使日子見夫犧牛乎衣以文繡食以芻菽及其牽

而入於太廟欲為孤犢其可得乎此作豚不同也

夫致貴無漸失必暴受爵非

道殃必疾今外戚寵幸功均造化漢元以來未有等比



陛下誠仁恩周洽以親九族然祿去公室政移私門覆車重等寧無摧折賈誼曰諺云前車覆後車誡也而朝臣在位莫肯正

議翕翕訾訾更相佐附詩小雅曰翕翕訾訾亦孔之哀

不思稱職爾雅曰翕翕訾訾莫供臣恐威權外假歸之

良難虎翼一奮卒不可制諱詩外傳曰無為虎傅翼將

之人於位是故孔子曰吐珠於澤誰能不含春秋保乾

為虎傅翼也大者主威侵權并族害已姦行吐珠於澤誰能不含論

君之權柄外假則必競取以為已利猶珠出於澤中誰

能不合取以為已老子稱國之利器不可以示人老子

寶也吐猶出也最安危之極戒社稷之深計也夫儉德之恭政存約節

左氏傳魯大夫御孫曰故文帝愛百金於露臺飾帷帳

儉德之恭侈惡之大也於阜囊文帝常欲作露臺計直百金曰百金中人十家

上書囊以或有譏其儉者上曰朕為天下守財耳豈得

妄用之哉至倉穀腐而不可食錢貫朽而不可校今自

初政已來日月未久費用賞賜已不可算斂天下之財

積無功之家帑藏單盡民物彫傷卒有不虞復當重賦

百姓怨叛既生危亂可待也昔成王之政周公在前邵

公在後畢公在左史佚在右四子挾而維之目見正容

耳聞正言一日即位天下曠然言其法度素定也今陛

下有成王之尊而無數子之佐雖欲崇雍熙致太平其



可得乎自去年已來災譴頻數地坼天崩高岸為谷脩  
 身恐懼則轉禍為福輕慢天戒則其害彌深願陛下親  
 自勞卹研精致思勉求忠貞之臣誅遠佞諂之黨損玉  
 堂之盛尊天爵之重孟子曰公卿大夫人爵也仁義禮智信天爵也割情欲之  
 歡罷宴私之好帝王圖籍陳列左右心存亡國所以失  
 之鑒觀興王所以得之庶災害可息豐年可招矣書奏  
 不省而外戚寵臣咸畏惡之延光三年出為酒泉太守  
 叛羌千餘騎徙敦煌來鈔郡界劉放曰案文徙當作從酺赴擊斬  
 首九百級羌眾幾盡威名大震遷京兆尹順帝即位拜  
 光祿大夫遷將作大匠損省經用歲息四五千萬經常也

屢因災異多所匡正

益都者舊傳曰時詔問酺陰陽失序水旱隔并其設銷復與濟之本

酺上奏陳圖書之意曰漢四百年將有弱主閉門聽難之禍數在三百年之間宜升歷改憲行先王至德要道奉率時禁抑損奢侈宣明質樸以延四百年之難帝從之由是權貴共誣酺及尚書

令高堂芝等交通屬託坐減死歸家復被章云酺前與

河南張楷等謀反逮詣廷尉及杜真等上書訟之事得

明釋卒於家

益都者舊傳曰杜真字孟宗廣漢綿竹人也少有孝行習易春秋誦百萬言兄事同

郡翟酺酺後被繫獄真上檄章救酺繫獄笞六百竟免酺難京師莫不壯之著援神鉤命解

詰十二篇

援神契鉤命決皆孝初酺之為大匠上言孝

文皇帝始置一經博士

武帝建元五年始置五經博士

武帝大合天下之書

武帝建元五年始置五經博士

知何據

武帝建元五年始置五經博士

乾隆四年校刊

後漢書卷七十八

列傳

八



逸是合天而孝宣論六經於石渠學者滋盛弟子萬數

下之書也宣帝甘露三年詔諸儒講五經於殿中兼平公羊穀梁同異上親臨決焉時更崇穀梁傳故此言六經也石渠閣名昭帝時博士弟子員百人宣帝末增倍之元光武帝時詔無置弟子員以廣學者故言以萬數也

初興愍其荒廢起太學博士舍內外講堂諸生橫卷為

海內所集明帝時辟雍始成欲毀太學太尉趙熹以為

太學辟雍皆宜兼存故並傳至今而頃者頽廢至為園

採芻牧之處宜更脩繕誘進後學帝從之酺免後遂起

太學更開拓房室學者為酺立碑銘於學云酺又尚書

### 應奉傳

應奉字世叔汝南南頓人也曾祖父順字華仲和帝時

為河南尹將作大匠公廉約已明達政事

華嶠書曰華仲少給事郡

縣為吏清公不發私書舉孝廉尚書郎轉右丞遷冀州刺史廉直無私遷東平相賞罰必信吏不敢犯有梓樹

生於廳事室上事後母至孝眾以為為孝感之應時實憲出屯河西刺史二千石皆遣子弟奉賂遺憲憲敗後咸

被繩黜順獨不在其中由是顯名為將作大匠視事五年省費億萬汝南記曰華仲妻本是汝南鄧元義前妻

也元義父伯考為尚書僕射元義還鄉里妻留事姑甚謹姑憎之幽閉空室節其食飲羸露日困妻終無怨言

後伯考怪而問之時義子朗年數歲言母不病但苦飢耳伯考流涕日何意親姑反為此禍因遣歸家更嫁為

華仲妻仲為將作大匠妻乘朝車出元義於路傍觀之謂人曰此我故婦非有它過家夫人遇之實酷本自相

貴其子朗時為郎母與書皆不答與衣裳輒以燒之母不以介意意欲見之乃至親家李氏堂上令人以它詞

請朗朗至見母再拜涕泣因起出母追謂之日我幾生

死自為汝家所棄我何罪過乃如此邪因此遂絕也

十子皆有才學中子疊江夏太守疊生柳武陵太守柳



生奉奉少聰明自為童兒及長凡所經履莫不暗記讀書五行並下為郡決曹史行部四十二縣錄囚徒數百千人及還太守備問之奉口說罪繫姓名坐狀輕重無所遺脫時人奇之

謝承書曰奉少為上計吏許訓為計掾俱到京師訓自發鄉里在路晝頓暮宿所見長吏賓客亭長吏卒奴僕訓皆密疏姓名欲試奉還郡出疏示奉奉云前食潁川綸氏都亭亭長胡奴名祿以飲漿來何不在疏坐中皆驚又云奉年二十時嘗詣彭城相袁賀賀時出行閉門造車匠於內開扇出半面視奉奉即委去後數十年於路見車匠識而呼之○劉放曰注奉少為上計吏許訓為計掾案吏當為史總而言掾史皆吏別而言著漢書後序多所述載袁山

之不同上計有吏有掾也著漢書後序多所述載袁山

松書曰奉又刪史記漢書及漢記三百六十餘年自漢興至其時凡十七卷名曰漢事大將軍梁冀舉茂才先是武陵蠻詹山等四千餘人反叛執縣令

屯結連年詔下公卿議四府舉奉才堪將帥

四府解見皇后紀

永興元年拜武陵太守到官慰納山等皆悉降散於是

興學校舉側陋政稱變俗坐公事免延熹中武陵蠻復

寇亂荆州車騎將軍馮緄以奉有威恩為蠻夷所服上

請與俱征拜從事中郎

謝承書曰時詔奉曰蠻夷叛逆作難積惡放恣鑊中之魚火熾

湯盡當悉焦爛以刷國恥朝廷以奉昔守南土威名播越故復式序重任奉之廢典期在於今賜奉錢十萬駿犀方具劔金錯把刀劔革帶各一奉其勉之奉勤設方略賊破軍罷緄推功

於奉薦為司隸校尉糾舉姦違不避豪戚以嚴厲為名

及鄧皇后敗而田貴人見幸桓帝有建立之議奉以田

氏微賤不宜超登后位上書諫曰臣聞周納狄女襄王



出居于鄭

左傳襄王將以狄女為后富臣諫曰不可狄固貪怵王又啓之王不從狄人伐周襄王出

奔○劉攽曰注富漢立飛燕成帝崩嗣泯絕母后之重

韓詩外傳曰婦人有

五不娶喪婦之長女不娶為其不受命也世有惡疾不娶棄於天也世有刑人不娶棄於人也亂家女不娶類不正也逆家子帝納其言竟立竇皇后及黨事起奉乃不娶廢人倫也

慨然以疾自退追愍屈原因以自傷著感騷三十篇數

萬言諸公多薦舉會病卒子劭

劭字仲遠

謝承書曰應氏譜並云字仲遠續漢書文士傳作仲瑗漢官儀又作仲瑗未知孰是○劉攽曰注謝承書曰應氏譜並云案文多一日字

少篤學博覽多聞靈帝時舉孝廉辟車騎將軍何苗掾中平二年漢陽賊邊章韓遂與

羌胡為寇東侵三輔時遣車騎將軍皇甫嵩西討之嵩

請發烏桓三千人北軍中候鄒靖上言烏桓衆弱宜開

募鮮卑事下四府大將軍掾韓卓議以為烏桓兵寡而

與鮮卑世為仇敵若烏桓被發則鮮卑必襲其家烏桓

聞之當復棄軍還救非唯無益於實乃更沮三軍之情

鄒靖居近邊塞究其態詐若令靖募鮮卑輕騎五千必

有破敵之效劭駁之曰鮮卑隔在漠北犬羊為羣無君

長之帥廬落之居而天性貪暴不拘信義故數犯障塞

且無寧歲唯至互市乃來靡服苟欲中國珍貨非為畏

威懷德計獲事足旋踵為害是以朝家外而不內蓋為



此也

朝家猶國家也公羊傳曰春秋內諸夏而外夷狄也

往者匈奴反叛度遼將

軍馬續烏桓校尉王元發鮮卑五千餘騎又武威太守

趙沖亦率鮮卑征討叛羌斬獲醜虜既不足言而鮮卑

越溢多為不法裁以軍令則忿戾作亂制御小緩則陸

掠殘害劫居人鈔商旅噉人牛羊略人兵馬得賞既多

不肯去復欲以物買鐵邊將不聽便取縑帛聚欲燒之

邊將恐怖畏其反叛辭謝撫順無敢拒違今狡寇未殄

而羌為巨害如或致悔其可追乎臣愚以為可募隴西

羌胡守善不叛者簡其精勇多其牢賞

牢稟食也或作勞勞功也

太

守李參沈靜有謀必能獎厲得其死力當思漸消之略

不可倉卒望也韓卓復與劭相難反覆於是詔百官大

會朝堂皆從劭議三年舉高第再遷六年拜太山太守

初平二年黃巾三十萬眾入郡界劭糾率文武連與賊

戰前後斬首數千級獲生口老弱萬餘人輜重二千兩

賊皆退却郡內以安興平元年前太尉曹嵩及子德從

琅邪入太山劭遣兵迎之未到而徐州牧陶謙素怨嵩

子操數擊之乃使輕騎追嵩德並殺之於郡界劭畏操

誅棄郡奔冀州牧袁紹初安帝時河間人尹次潁川人

史玉皆坐殺人當死次兄初及玉母軍並詣官曹求代

其命因縊而物故尚書陳忠以罪疑從輕議活次玉劭



後追駁之據正典刑有可存者其議曰尚書稱天秩有禮五服五章哉天討有罪五刑五用哉而孫卿亦云凡制刑之本將以禁暴惡且懲其末也凡爵列官秩賞慶刑威皆以類相從使當其實也若德不副位能不稱官賞不酬功刑不應罪不祥莫大焉殺人者死傷人者刑此百王之定制有法之成科高祖入關雖尚約法然殺人者死亦無寬降夫時化則刑重時亂則刑輕犯化之罪為輕書曰刑罰時輕時重此之謂也今次玉公以清時釋其私憾阻兵安忍僵屍道路阻持也左傳曰衛州吁阻兵而安忍朝恩在寬幸至冬獄而初軍愚狷妄自投斃昔召忽親死

子糾之難而孔子曰經於溝瀆人莫之知名忽齊大夫子糾齊襄公

之庶子也子糾與小白爭國子糾被殺召忽其傳也遂死之論語孔子論召忽曰豈若匹夫匹婦之為諒也自經於溝瀆而朝氏之父非錯刻峻遂能自隕其命班固莫之知也

亦云不如趙母指括以全其宗前書鼂錯為御史大夫改更律令諸侯誼譁錯

父聞而非之曰劉氏安而鼂氏危矣遂飲藥而死史記曰趙母趙將馬服君趙奢之妻趙括之母也奢死趙欲以括為將母謂趙王曰王以為括如其父父子異心願王勿遣王曰吾計決矣括母曰王終將之即有不稱妾得無隨乎王許諾及括敗王以母先言傳曰僕妾感慨竟不誅也而班固引之以為鼂錯贊詞

而致死者非能義勇顧無慮耳言僕妾之致死者顧無由計慮耳語見史記樂

布傳夫刑罰威獄以類天之震耀殺戮也温慈和惠以贊也放天之生殖長育也左傳鄭大夫夫是故春一草枯則為



災秋一木華亦為異今殺無罪之初軍而活當死之次

玉其為枯華不亦然乎陳忠不詳制刑之本而信一時

之仁遂廣引八議求生之端夫親故賢能功貴勤賓豈

有玉次當罪之科哉周禮小司寇職鄭司農曰親宗室有罪先請也故謂舊知也賢謂有

德行者能謂有道藝者功謂有大勲也貴謂若今若乃

墨綬有罪先請也勤謂惟悴國事賓謂二王後左傳曰小大之獄雖不能察必此

小大以情原心定罪以情原心定罪解見霍譚傳也此

為求生非謂代死可以生也敗法亂政悔其可追劭凡

為駁議三十篇皆此類也又刪定律令為漢儀建安元

年乃奏之曰夫國之大事莫尚載籍也○劉敞曰案文多一也字載

籍也者決嫌疑明是非禮記曰夫禮者決嫌疑明是非賞刑之宜允獲

厥中俾後之人永為監焉故膠東相董仲舒老病致仕

朝廷每有政議數遣廷尉張湯親至陋巷問其得失事見

前於是作春秋決獄二百三十二事動以經對言之詳

矣逆臣董卓蕩覆王室典憲焚燎靡有孑遺開辟以來

莫或茲酷或有也今大駕東邁巡省許都拔出險難其命

惟新臣累世受恩榮祚豐衍竊不自揆貪少云補輒撰

具律本章句尚書舊事廷尉板令決事比例司徒都目

五曹詔書司徒即丞相也總領綱紀佐理萬機故有都目成帝初置尚書員五人漢舊儀有常侍曹

二千石曹戶曹主及春秋斷獄凡二百五十篇蠲去復

重為之節文復音複重音定容反又集駁議三十篇以類相從凡

乾隆四年校刊

後漢書卷七十八

刑傳

十四



八十二事其見漢書二十五漢記四即東觀記皆刪敘潤色

以全本體其二十六博採古今瓌瑋之士文章煥炳德

義可觀其二十七臣所創造豈繁自謂必合道衷繁音鳥兮

反繫猶是也心焉憤邑聊以藉手藉音自夜反昔鄭人以乾鼠為

璞鬻之於周宋愚夫亦寶燕石緹縹十重夫覩之者掩

其盧胡而笑斯文之族無乃類旃尹文子曰鄭人謂玉未琢者為璞周人謂

鼠未腊者為璞周人遇鄭賈人曰欲買璞乎鄭賈曰欲

之出璞視之乃鼠也因謝不取戰國策亦然今此乃云

鄭人以乾鼠為璞便與二說不同此云乾鼠彼云未腊

事又差舛闕子曰宋之愚人得燕石梧臺之東歸而藏

之以為大寶周客聞而觀之主人父齋七日端冕之衣

鬻之以特牲革匱十重緹巾十襲客見之俛而掩口盧

胡而笑曰此燕石也與瓦甃不殊主人父怒曰商賈之

言豎匠之心藏之愈固守之彌謹旃之也縹音襲緹赤

色緹也楚詞曰襲英衣左氏實云雖有姬姜絲麻不棄

今緹縹謂鮮明之衣

惟悴菅蒯蓋所以代匱也左傳曰詩云雖有絲麻無棄

百君子莫不代匱杜預云逸詩也姬姜無棄蕉萃凡

國之女蕉萃陋賤之人蕉萃惟悴古字通是用敢露頑

才厠于明哲之末雖未足綱紀國體宣洽時雍庶幾觀

察增闡聖聽惟因萬機之餘暇游意省覽焉獻帝善之

二年詔拜劭為袁紹軍謀校尉時始遷都於許舊章堙

沒書記罕存劭慨然歎息乃綴集所聞著漢官禮儀故

事凡朝廷制度百官典式多劭所立初父奉為司隸時

並下諸官府郡國各上前人像贊劭乃連綴其名錄為

狀人紀又論當時行事著中漢輯序撰風俗通以辯物



類名號釋時俗嫌疑文雖不典後世服其洽聞凡所著

述百三十六篇又集解漢書皆傳于時後卒于鄴弟子

瑒華嶠書曰劭弟瑒字季瑜司空掾瑒瑒魏志曰瑒字德璉瑒弟瑒字休

章璉咸以文章顯也中興初有應姬者生四子而寡見神光照社

試探之乃得黃金自是諸子宦學並有才名至瑒七世

通顯應順將作大匠子疊江夏太守疊生柳武陵太守

空掾柳生奉從事中郎奉生劭車騎將軍掾劭弟瑒司

操辟為丞相掾霍譔傳

霍譔字叔智魏郡鄴人也少為諸生明經有人誣譔舅

宋光於大將軍梁商者以為妄刊章文坐繫洛陽詔獄

掠考困極譔時年十五奏記於商曰將軍天覆厚恩愍

舅光冤結前者温教許為平議雖未下吏斷決其事已

蒙神明顧省之聽皇天后土實聞德音竊獨踴躍私自

慶幸譔聞春秋之義原情定過赦事誅意故許止雖弒

君而不罪趙盾以縱賊而見書許止許悼公之子名止

公賊未討何以書葬不成乎弒也許悼公是止進藥而

殺是以君子加弒焉葬許悼公是君子之赦止赦止者

免止罪之辭也何休注云原止欲愈父之病無害父之

意故赦之是原情定過也又曰晉史書趙盾弒其君趙

盾曰天平無辜吾不弒君太史曰爾為仁為義人此伸

尼所以垂王法漢世所宜遵前脩也傳曰人心不同譬

若其面左傳鄭子產謂子皮曰人心不同譬斯蓋謂大

乾隆四年校刊

後漢書卷七十八

列傳

七



小窳隆醜美之形至於鼻目衆窳毛髮之狀未有不

者也情之異者剛柔舒急倨敬之間至於趨利避害畏

死樂生亦復均也謂與光骨肉義有相隱言其冤濫未

必可諒且以人情平論其理光衣冠子孫徑路平易

依常轍無所規求也位極州郡日望徵辟亦無瑕穢纖介之累無

故刊定詔書欲以何名就有所疑當求其便安豈有觸

冒死禍以解細微譬猶療飢於附子止渴於酖毒未入

腸胃已絕咽喉豈可為哉史記蘇秦曰飢人之所以飢而不食烏喙者以其愈充腹

而與餓死者同患也附子烏喙根同而狀異也昔東海孝婦見枉不辜幽靈感

革天應枯旱前書曰東海有孝婦少寡無子養姑甚謹姑欲嫁之終不肯姑告鄰人曰孝婦養我

勤苦我老久累丁壯乃自經死姑女告吏曰婦殺我母

吏驗之急孝婦自誣服具獄上府太守竟論殺婦郡中

枯旱三年後太守至自祭孝婦墓天立大雨歲熟光之所坐情既可原守闕連

年而終不見理呼嗟紫宮之門泣血兩觀之下天有紫微宮是

上帝之所居也王者立宮象而為之兩觀謂闕也傷和致災為害滋甚凡事更

赦令不應復案夫以罪刑明白尚蒙天恩豈有冤謗無

徵反不得理是為刑宥正罪戮加誣侵也不偏不黨其

若是乎明將軍德盛位尊人臣無二言行動天地舉厝

移陰陽誠能留神沛然曉察必有于公高門之福于公東海

人為郡決曹決獄平其閭門壞父老共脩之于公曰少高大閭門令容駟馬蓋車我決獄多有陰德子孫必有

興者至子定國為丞相孫承為御史大夫和氣立應天下幸甚商高諳才志



卽爲奏原光罪由是顯名仕郡舉孝廉稍遷金城太守  
性明達篤厚能以恩信化誘殊俗甚爲羌胡所敬服遭  
母憂自上歸行喪服闋公車徵再遷北海相入爲尚書  
僕射是時大將軍梁冀貴戚秉權自公卿以下莫敢違  
牾謂與尚書令尹勲數奏其事又因陛見陳聞罪失及  
冀誅後桓帝嘉其忠節封鄴都亭侯前後固讓不許出  
爲河南尹遷司隸校尉轉少府廷尉卒官子雋安定太  
守而

爰延傳

爰延字季平陳留外黃人也清苦好學能通經教授性

質慤少言辭縣令隴西牛述好士知人乃禮請延爲廷

掾范丹爲功曹濮陽潛爲主簿濮陽姓也常共言談而已後

令史昭以爲鄉嗇夫仁化大行人但聞嗇夫不知郡縣

在事三年州府禮請不就桓帝時徵博士太尉楊秉等

舉賢良方正再遷爲侍中帝游上林苑從容問延曰朕

何如主也對曰陛下爲漢中主帝曰何以言之對曰尚

書令陳蕃任事則化中常侍黃門豫政則亂是以知陛

下可與爲善可與爲非前書曰齊桓公管仲相之則霸豎貂輔之則亂可與爲善可與

爲惡是謂中人帝曰昔朱雲廷折欄檻今侍中面稱朕違敬聞

闕矣朱雲字游成帝時上書求見曰今朝廷大臣上不

能匡主下無以益人臣願賜尚方斬馬劍斷佞臣



一人以勵其餘上問曰誰也對曰安昌侯張禹上大怒  
 日小臣廷辱師傅罪死不赦御史將雲下雲攀殿檻折  
 雲呼曰臣得從龍逢比干遊於地下足矣未知朝廷如  
 何耳上意乃解及後當脩檻上曰勿易因而鞫之以旌  
 直臣○劉攽曰昔朱雲廷拜五官中郎將轉長水校尉  
 折欄檻案文廷下少爭字  
 遷魏郡太守徵拜大鴻臚帝以延儒生常特宴見時太  
 史令上言客星經帝坐帝密以問延延因上封事曰臣  
 聞天子尊無為上故天以為子位臨臣庶威重四海動  
 靜以理則星辰順序意有邪僻則晷度錯違陛下以河  
 南尹鄧萬有龍潛之舊封為通侯恩重公卿惠豐宗室  
 加頃引見與之對博上下媿黷有虧尊嚴臣聞之帝左  
 右者所以咨政德也故周公戒成王曰其朋其朋言慎

所與也

尚書周公戒成王曰孺子其朋孺子其朋慎其往

昔宋閔公與彊臣共

博列婦人於側積此無禮以致大災

公羊經書宋萬弒其君捷傳曰宋萬

嘗與魯莊公戰獲于莊公歸舍諸宮中數月然後歸之  
 與宋閔公博婦人在側萬曰甚矣魯侯之淑魯侯之美  
 天下諸侯宜為君者唯魯侯爾閔公矜此婦人如其言  
 顧曰此虜也魯侯之美惡乎至萬怒搏閔公絕其脰

武帝與倖臣李延年韓嫣同臥起尊爵重賜情欲無厭

遂生驕淫之心行不義之事卒延年被戮嫣伏其辜

李延

年中山人也身及父母兄弟皆故倡人也武帝時延年  
 女弟得幸號曰李夫人延年善歌舞為協律都尉佩二  
 千石印綬與上臥起弟季與中人亂出入驕恣上遂誅  
 延年兄弟韓嫣韓王信之曾孫也武帝為王時與嫣相  
 愛後位至上大夫賞賜擬鄧通與  
 上臥起出入永巷以姦聞被誅夫愛之則不覺其過

惡之則不知其善所以事多放濫物情生怨故王者賞



人必酬其功爵人必甄其德甄明也善人同處則日聞嘉

訓惡人從游則日生邪情孔子曰益者三友論語孔子曰友直友

諒友多聞益矣友便僻友善柔友便佞損矣邪臣惑君亂妾危主以非所言

則悅於耳以非所行則玩於目故令人君不能遠之仲

尼曰唯女子與小人為難養近之則不遜遠之則怨蓋

聖人之明戒也昔光武皇帝與嚴光俱寢上天之異其

夕即見事見逸人傳夫以光武之聖德嚴光之高賢君臣合

道尚降此變豈況陛下今所親幸以賤為貴以卑為尊

哉惟陛下遠讒諛之人納謇謇之士除左右之權寤宦

官之敝使積善日熙熙廣也佞惡消殄則乾災可除帝省

其奏因以病自上乞骸骨還家靈帝復特徵不行病卒

子驥白馬令亦稱善士謝承書曰典字驥

### 徐璆傳

徐璆字孟本璆音仇字孟玉廣陵海西人也父淑度遼將軍有

名於邊謝承書曰淑字伯進寬裕博學習孟氏易春秋

有壯志璆少博學辟公府舉高第袁山松書曰璆少履清

惟恐不及稍遷荊州刺史時董太后姊妹子張忠為南陽太守

因執放濫臧罪數億璆臨當之部太后遣中常侍以忠

屬璆璆對曰臣身為國不敢聞命太后怒遽徵忠為司

隸校尉以相威臨璆到州舉奏忠臧餘六億使冠軍縣



上簿詣大司農以彰暴其事又奏五郡太守及屬縣有  
臧汙者悉徵案罪威風大行中平元年與中郎將朱雋  
擊黃巾賊於宛破之張忠怨璆與諸閹宦構造無端璆  
遂以罪徵有破賊功得免官歸家後再徵遷汝南太守  
轉東海相所在化行獻帝遷許以廷尉徵當詣京師道  
為袁術所劫授璆以上公之位璆乃歎曰龔勝鮑宣獨  
何人哉守之必死龔勝字君賓楚人也好學明經哀帝  
時為光祿大夫乞骸骨王莽即位遣  
使以上卿徵勝不食而死鮑宣字子都渤海人也哀帝  
時為司隸校尉王莽輔政誅漢忠臣不附已者宣及何  
武等皆死術不敢逼術死軍破璆得其盜國璆及還許上之  
衛宏曰秦以前以金玉銀為方寸璆秦以來天子獨稱  
璆又以玉羣下莫得用其玉出藍田山題是李斯書其

文曰受命于天既壽永昌號曰傳國璆漢高祖定三秦  
子嬰獻之高祖即位乃佩之王莽篡位就元后求璆后  
乃出以投地上螭一角缺及莽敗時仍帶璆絨杜吳殺  
莽不知取璆公賓就斬莽首并取璆更始將李松送上  
更始赤眉至高陵更始奉璆上赤眉建武三年盆子奉  
以上光武孫堅從桂陽入雒討董卓軍於城南見井中  
有五色彩光軍人莫敢汲堅乃浚得璆袁術有僭盜意乃  
拘堅妻求之術得璆舉以向州魏武謂之曰我在不聽  
汝乃至此時并送前所假汝南東海二郡印綬司徒趙  
璆得而獻之温謂璆曰君遭大難猶存此邪璆曰昔蘇武困於匈奴  
不墜七尺之節况此方寸印乎後拜太常使持節拜曹  
操為丞相操以相讓璆璆不敢當卒於官  
論曰孫懿以高明見忌而受欺於陰計翟酺資譎數取  
通而終之以謇諫豈性智自有周偏先後之要殊度乎



應氏七世才聞而奉劬采章為盛及撰著篇籍甄紀異

知雖云小道亦有可觀者焉延珍應對辯正而不可犯

陵上之尤斯固辭之不可以已也左氏傳孔子曰辭之不可以已也如是夫

子產有辭諸侯賴之

贊曰楊終李法華陽有聞益州古梁州之域尚書曰華陽黑水惟梁州孔安國注曰

北拒華山之陽南拒黑水故常璩敘蜀事而謂之華陽國志焉二應克聰亦表汝墳鄭

注周禮曰墳翟酺詐懿霍諝請身延能許帝珍亦悟后

### 後漢書卷七十八

後漢書卷七十八考證

楊終傳善善及子孫惡惡止其身注曹公孫會自鄭出

奔宋○鄭字舊本誤鄭從春秋原文改

魯文公毀泉臺春秋譏之注公羊傳曰毀泉臺何以書

譏爾○臣會汾按原文譏字下脫何譏二字

又先祖為之而已毀之勿居而已○臣會汾按原文

勿居上脫不如二字

詩曰皎皎素絲在所染之注逸詩曰皎皎白貌也○注

日字誤當改也字

既無長君退讓之風注絳灌等選長者之有節行者與



之居○臣會汾按史記外戚傳云選長者士之有節行者與居此注脫一士字衍一字當改正

翟醜傳事得明釋卒於家注直上檄章救醜○臣會汾

按自上移下曰檄此止可言上章耳不應有檄字明

衍

應奉傳時人奇之注嘗詣彭城相袁賀○城字監本誤

承臣會汾按袁閎傳父賀為彭城相今改正

史臣論應對辯正而不可犯陵上之尤○可字衍

後漢書卷七十八考證

後漢書卷七十九

宋

宣宗封城公車太子

守范曄擘撰志代

唐

章

懷

太子

子

賢注

王充王符仲長統列傳第三十九

王充傳

王充字仲任會稽上虞人也其先自魏郡元城徙焉充

少孤鄉里稱孝後到京師受業太學

袁山松書曰充幼聰明詣太學觀天

子臨辟雍作六儒論

師事扶風班彪好博覽而不守章句家貧無

書常游洛陽市肆閱所賣書一見輒能誦憶遂博通眾

流百家之言後歸鄉里屏居教授仕郡為功曹以數諫



爭不合去充好論說始若詭異終有理實以為俗儒守

文多失其真乃閉門潛思絕慶弔之禮戶牖牆壁各置

刀筆著論衡八十五篇二十餘萬言袁山松書曰充所作論衡中士未有

傳者蔡邕入吳始得之恒祕玩以為談助其後王朗為

會稽太守又得其書及還許下時人稱其才進或曰不

見異人當得異書問之果以論衡之益由是遂見傳焉

抱朴子曰時人嫌蔡邕得異書或搜求其帳中隱處果

得論衡抱數卷持去邕丁寧釋物類同異正時俗嫌疑

刺史董勤辟為從事轉治中自免還家友人同郡謝夷

吾上書薦充才學謝承書曰夷吾薦充曰充之天才非

劉向司馬遷不能過也 肅宗特詔公車徵病不行年漸七十志力

衰耗乃造養性書十六篇裁節嗜欲頤神自守永元中

病卒於家升字對人號也 畢父草木二姪率土景以

氏王符傳無咎平失正世之可以成事皆與夏商周

王符字節信安定臨涇人也少好學有志操與馬融竇

章張衡崔瑗等友善安定俗鄙庶孽何休注公羊傳云孽賤也而符

無外家為鄉人所賤自和安之後世務游宦當塗者更

相薦引而符獨耿介不同於俗以此遂不得升進志意

蘊憤乃隱居著書三十餘篇以譏當時失得不欲章顯

其名故號曰潛夫論其指許時短討謫物情許攻也足

以觀見當時風政著其五篇云爾思味人教士思

貴忠篇曰夫帝王之所尊敬者天也皇天之所愛育者



人也今人臣受君之重位牧天之所愛焉可以不安而

利之養而濟之哉是以君子任職則思利人達上則思

進賢故居上而下不怨在前而後不恨也書稱天工人

其代之王者法天而建官尚書咎繇謨曰亡曠庶官天

人代天理官不可以天官私非其才也又曰明王奉若

天道建邦設都孔安國注云天有日月北斗五星二十八宿皆有尊卑相正之法言明故明主不敢以私授忠

臣不敢以虛受竊人之財猶謂之盜况偷天官以私已

乎左傳介之推曰竊人之財猶謂之盜况貪天功以為己力乎以罪犯人必加誅罰

况乃犯天得無咎乎夫五世之臣以道事君五代謂唐

也○劉攽曰五世之臣案此澤及草木仁被率土是以

世字當是代字後人誤改

福祚流衍本支百世詩大雅曰文王季世之臣以諂媚

主不思順天專杖殺伐白起蒙恬秦以為功天以為賊

史記曰白起為秦將與趙戰于長平阬趙卒四十五萬人蒙恬為秦將北逐戎翟築長城起臨洮至遼東延袤

萬餘里此為息夫董賢主以為忠天以為盜息夫躬字

虐於人也時告東平王雲事封宜陵侯董賢字聖卿得易曰德薄

而位尊智小而謀大鮮不及矣易繫辭是故德不稱其

禍必酷能不稱其殃必大○劉攽曰案文少兩字蓋本

夫竊位之人天奪其鑒論語孔子曰臧文仲其竊位者

奪之鑒而益其疾也杜雖有明察之資仁義之志一旦

富貴則背親捐舊喪其本心疎骨肉而親便辟薄知友



而厚犬馬寧見朽貫千萬而不忍貸人一錢情知積粟  
 腐倉而不忍貸人一斗骨肉怨望於家細人謗讟於道  
 前人以敗後爭襲之誠可傷也歷觀前政貴人之用心  
 也與嬰兒子何其異哉嬰兒有常病貴臣有常禍父母  
 有常失人君有常過嬰兒常病傷於飽也貴臣常禍傷  
 於寵也哺乳多則生癩病富貴盛而致驕疾愛子而賊  
 之驕臣而滅之者非一也極其罰者乃有仆死深牢銜  
 刃都市趙將李牧為韓倉所譖賜死將自誅臂短不能及銜刃于柱以自殺見戰國策豈非無  
 功於天有害於人者乎夫鳥以山為埤而增巢其上魚  
 以泉為淺而穿穴其中卒所以得者餌也曾子之文也亦見大戴禮

貴戚願其宅吉而制為令名欲其門堅而造作鐵樞卒

其所以敗者非苦禁忌少而門樞朽也常苦崇財貨而

行驕僭耳不上順天心下育人物而欲任其私智竊弄

君威反戾天地欺誣神明居累卵之危而圖太山之安

為朝露之行而思傳世之功朝露言易盡也蘇子曰人生一世若朝露之託於桐

葉耳其豈不惑哉豈不惑哉不且昧其限只安得不

浮侈篇曰王者以四海為家兆人為子之夫不耕天下

受其飢一婦不織天下受其寒文子曰神農之法曰丈夫下壯不耕天下有受

其飢者婦人當年不織天下有受其寒者故其耕不强無以養生其織不力者無以衣形今舉俗

舍本農趨商賈牛馬車輿填塞道路游手為巧充盈都



邑游手為巧謂務本者少浮食者眾商邑翼翼四方是

極詩商頌文也鄭玄注云極中也翼今察洛陽資末業

者什於農夫虛偽游手什於末業是則一夫耕百人食

之一婦桑百人衣之以一奉百孰能供之天下百郡千

縣市邑萬數類皆如此本末不足相供則民安得不飢

寒飢寒並至則民安能無姦軌姦軌繁多則吏安能無

嚴酷嚴酷數加則下安能無愁怨愁怨者多則咎徵並

臻下民無聊而上天降災則國危矣夫貧生於富弱生

於彊亂生於化危生於安富而不節則貧強而驕人則

而不慎微是故明主之養民憂之勞之教之誨之慎微

防萌以斷其邪故易美節以制度不傷財不害民節以

以下金節卦象辭也鄭玄注云空府藏則七月之詩大

小教之終而復始由此觀之人固不可恣也七月詩幽

耕桑之法小謂索綯之類今人奢衣服侈飲食事口舌

而習調欺或以謀姦合任為業合任為相合或以游博

持掩為事博謂六博掩謂意錢也前書貨殖丁夫不扶

犁鋤而懷丸挾彈携手上山遨遊或好取土作丸賣之

外不足禦寇盜內不足禁鼠雀或作泥車瓦狗諸戲弄

之具以詐小兒此皆無益也詩刺不績其麻市也婆娑

詩陳風也婆娑舞貌謂婦又婦人不脩中饋休其蠶織

人于市中歌舞以事神也



易家人卦六二曰在中饋貞吉鄭玄注云中饋酒食也詩大雅曰婦無公事休其蠶織而起學巫

祝鼓舞事神以欺誣細民熒惑百姓妻女羸弱疾病之

家懷憂憤憤易為恐懼至使奔走便時去離正宅崎嶇

路側風寒所傷姦人所利盜賊所中或增禍重崇至於

死亡而不知巫所欺誤反恨事神之晚此妖妄之甚者

也或刻畫好繒以書祝辭或虛飾巧言希致福祚或縻

折金綵令廣分寸或斷截眾縷繞帶手腕或裁切綺縠

縫紵成幡皆單費百縑用功千倍破牢為偽以易就難

坐食嘉穀消損白日損或作捐夫山林不能給野火江海不

能實漏卮皆所宜禁也昔孝文皇帝躬衣弋綈前書音弋

厚也綈革烏韋帶而今京師貴戚衣服飲食車輿廬第

奢過王制固亦甚矣且其徒御僕妾皆服文組綵牒牒

今委布也錦繡綺紈葛子升越箛中女布說文曰綺文繒也

紈子細稱也沈懷遠南越志曰蕉布之品有曰蕉布

有竹子布又有葛焉雖精麤之殊皆同出而異名揚雄

蜀都賦曰布則蜘蛛作絲不可見風箛中黃潤一端數

金盛弘之荆州記曰種歸縣室多幽閑其女盡織布至

數十升今永州俗猶犀象珠玉虎魄璆瑁石山隱飾金

銀錯鏤廣雅曰虎魄珠也生地中其上及旁不生草深

枕出蜀賓及大秦國吳錄曰璆瑁似龜而窮極麗美轉

大出南海山石謂隱起為山石之文也相誇咤郭景純注子虛賦曰其嫁娶者車駢數里緹帷

竟道蒼頡篇曰駢衣車駢騎奴侍童夾轂並引富者競

乾隆四年校刊

後漢書卷之九



欲相過貧者耻其不逮一饗之所費破終身之業古者

必有命然後乃得衣繒絲而乘車馬尚書大傳曰古之帝王者必有命人能敬長矜孤取舍好讓者命于其君得乘飾車駟今雖馬衣文錦未有命者不得衣不得乘乘衣者有罰

不能復古宜令細民略用孝文之制古之葬者厚衣之

以薪葬之中野不封不樹喪期無數後世聖人易之以

棺槨易繫辭之言也桐木為棺葛采為緘尸子曰禹之喪法死于陵者葬于陵死于澤者葬于澤桐棺三寸制喪三日墨子曰舜西教乎七戎道死葬南巴之中衣衾三領欵木之棺葛以緘之采猶蔓也

下不及泉上不泄臭中世以後轉用楸梓槐柏

柁樗之屬各因方土裁用膠漆使其堅足恃其用足任

如此而已今者京師貴戚必欲江南櫛梓豫章之木音櫛

乃巨反見埤蒼爾雅曰櫛櫛音而注云櫛似櫛而痺小恐非棺槨之用豫章即樟木也

亦競相放效夫櫛梓豫章所出殊遠伐之高山引之窮

谷入海乘淮逆河泝洛工匠雕刻連累日月會眾而後

動多牛而後致重且千斤功將萬夫而東至樂浪西達

敦煌費力傷農於萬里之地古者墓而不墳中世墳而

不崇仲尼喪母冢高四尺遇雨而崩弟子請脩之夫子

泣曰古不脩墓孔子合葬母于防曰吾聞之古也墓而不墳于是封之崇四尺孔子先反門人

後雨甚至孔子曰爾來何遲也曰防墓崩孔及鯉也死

有棺無槨文帝葬芷陽縣名屬京兆文明帝葬洛南皆

不藏珠寶不起山陵墓雖卑而德最高今京師貴戚郡

乾隆四年校刊

後漢書卷之六

列傳

七



縣豪家生不極養死乃崇喪或至金縷玉匣橋梓榿柁

多埋珍寶偶人車馬造起大冢廣種松柏廬舍祠堂務

崇華侈案鄙畢之陵南城之冢畢周文王武王葬地也司馬遷云在鄙東南南杜

中無墳隴在今咸陽縣西北孔安國注尚書云在長安西北南城山曾子父所葬在今沂州費縣西南也周

公非不忠曾子非不孝以為喪君愛父不在於聚財揚

名顯親無取於車馬昔晉靈公多賦以雕牆春秋以為

不君左傳晉靈公不君厚斂以雕牆杜預注云不君失君道也雕畫也華元樂舉厚葬

文公君子以為不臣左傳曰宋文公卒始厚葬用蜃炭益車馬始用殉椁有四阿棺有輪

檜君子謂華元樂舉於是不臣是棄君於惡也况於羣司士庶乃可僭侈主上

過天道乎前書貢禹曰今大夫僭諸侯諸侯僭天子天子過天道其日久矣豈意下土

實貢篇曰國以賢興以諂衰君以忠安以佞危此古今

之常論而時所共知也然衰國危君繼踵不絕者豈時

無忠信正直之士哉誠苦其道不得行耳夫十步之間

必有茂草十室之邑必有忠信說苑曰十步之澤必有芳草論語曰十室之邑

必有忠信是故亂殷有三仁小衛多君子亂殷謂紂時也三仁箕子微子

比于也左傳吳季札適衛悅蘧瑗史狗史鮪公子荆公叔發公子朝曰衛多君子未有患也又臧宣叔曰衛之

于晉不得為次國杜預注云春秋之時以疆弱為大小衛雖侯爵猶為小國今以大漢之廣

士士民之繁庶朝廷之清明上下之脩正而官無善吏

位無良臣此豈時之無賢諒由取之乖實夫志道者少

與逐俗者多疇是以朋黨用私背實趨華其貢士者不



復依其質幹準其才行但虛造聲譽妄生羽毛略計所  
 舉歲且二百覽察其狀則德侔顏冉詳覈厥能則鮮及  
 中人皆總務升官自相推達夫士者貴其用也不必求  
 備故四友雖美能不相兼尚書大傳孔子曰文王得四  
 臣岳亦得四友謂回也為疏  
 附賜也為奔走師也為先後由也為禦侮其能各不同也三仁齊致事不一節高祖  
 佐命出自亡秦光武得士亦資暴莽況太平之時而云  
 無士乎夫明君之詔也若聲忠臣之和也如響長短大  
 小清濁疾徐必相應也且攻玉以石洗金以鹽詩小雅  
 曰它山  
 之石可以攻玉今之金工發金色者皆淬之于鹽水焉濯錦以魚浣布以灰夫物  
 固有以賤理貴以醜化好者矣智者棄短取長以致其

功今使貢士必覈以實其有小疵勿彊衣飾衣飾謂裝  
 飾以成其

過也衣音出處語默各因其方則蕭曹周韓之倫何足  
於氣反

不致吳鄧梁竇之屬企踵可待孔子曰未之思也夫何

遠之有文曰不受章表

愛日篇曰國之所以為國者以有民也民之所以為民

者以有穀也穀之所以豐殖者以有民功也功之所以

能建者以日力也化國之日舒以長故其民閑暇而力

有餘亂國之日促以短故其民困務而力不足舒長者

非謂義和安行義和日也山海經曰東南海之外甘水  
 之間有義和之國有女子曰義和方浴

日于甘泉義和者帝俊之妻是生十日乃君明民靜而  
郭璞注曰義和蓋天地始生日月者也



力有餘也促短者非謂分度損減洛書甄耀度日凡周天三百六十五度四分度之一一度為千九百三十二里日一日行一度月一日行十三度十九分度之一也乃上闔下

亂力不足也孔子稱既庶則富之既富乃教之是故禮

義生於富足盜竊起於貧窮富足生於寬暇貧窮起於

無日聖人深知力者民之本國之基也故務省徭役使

之愛日是以堯勅羲和欽若昊天敬授民時明帝時公

車以反支日不受章奏凡反支日用月朔為正戌亥朔一日反支申酉朔二日反支午未朔三日反支辰巳朔四日反支寅卯朔五日反支子丑朔六日反支見陰陽書也帝聞而怪曰

民廢農桑遠來詣闕而復拘以禁忌豈為政之意乎於

是遂蠲其制令寃民仰希申訴而令長以神自畜難見如神

也○劉敞曰令寃民仰希申訴案文令當作今百姓廢農桑而趨府廷者相續

道路非朝餽不得通非意氣不得見說文曰餽謂日加申時也今為哺字

也或連日累月更相瞻視或轉請鄰里饋糧應對歲功

既虧天下豈無受其飢者乎孔子曰聽訟吾猶人也從

此言之中才以上足議曲直鄉亭部吏亦有任決斷者

而類多枉曲蓋有故焉夫理直則恃正而不撓事曲則

諂意以行賕不撓故無恩於吏行賕故見私於法若事

有反覆吏應坐之吏以應坐之故不得不枉之於廷以

羸民之少黨而與豪吏對訟其勢得無屈乎縣承吏言

故與之同若事有反覆縣亦應坐之縣以應坐之故而

乾隆四年校刊 後漢書卷之九 列傳



排之於郡以一民之輕而與一縣爲訟其理豈得申乎  
事有反覆郡亦坐之郡以共坐之故而排之於州以一  
民之輕與一郡爲訟其事豈獲勝乎旣不肯理故乃遠  
詣公府公府復不能察而當延以日月貧弱者無以曠  
旬彊富者可盈千日理訟若此何枉之能理乎正士懷  
怨結而不見信信讀日伸猾吏崇姦軌而不被坐此小民所  
以易侵苦而天下所以多困窮也且除上天感痛致災  
但以人功見事言之自三府州郡至於鄉縣典司之吏  
辭訟之民官事相連更相檢對者日可有十萬人一人  
有事二人經營是爲日三十萬人廢其業也以中農率

之則是歲三百萬人受其飢者也然則盜賊何從而銷  
太平何由而作乎詩云莫肯念亂誰無父母詩小百姓雅也  
不足君誰與足可無思哉可無思哉

述赦篇曰凡療病者必知脉之虛實氣之所結然後爲  
之方故疾可愈而壽可長也爲國者必先知民之所苦  
禍之所起然後爲之禁故姦可塞而國可安也今日賊  
良民之甚者莫大於數赦贖赦贖數則惡人昌而善人  
傷矣何以明之哉夫謹勅之人身不蹈非又有爲吏正  
直不避彊禦而姦猾之黨橫加誣言者皆知赦之不久  
故也善人君子被侵怨而能至闕庭自明者萬無數人



數人之中得省問者百不過三既對尚書而空遣去者復什六七矣其輕薄姦軌既陷罪法怨毒之家冀其辜戮以解畜憤而反一槩悉蒙赦釋令惡人高會而誇詫老盜服臧而過門孝子見讐而不得討遭盜者覩物而不敢取痛莫甚焉夫養稂莠者傷禾稼惠姦軌者賊良民爾雅曰稂童稂郭璞注云莠類也詩曰不稂不莠稂音郎書曰文王作罰刑茲無赦康誥之先王之制刑法也非好傷人肌膚斷人壽命也貴威姦懲惡除人害也故經稱天命有德五服五章哉天討有罪五刑五用哉詩刺彼宜有罪汝反脫之詩大雅也此宜無罪汝反收之彼宜有罪汝反脫之毛萇注云脫赦也古者唯始受命之君

承大亂之極寇賊姦軌難為法禁故不得不有一赦與之更新頤育萬物以成大化非以養姦活罪放縱天賊也夫性惡之民民之豺狼雖得放宥之澤終無改悔之心且脫重桎夕還囹圄嚴明令尹不能使其斷絕何也凡敢為大姦者才必有過於眾而能自媚於上者也多散誕得之財奉以諂諛之辭以轉相驅誕猶虛也非有第五公之廉直孰不為顧哉謂第五倫也為司空性廉直也論者多曰久不赦則姦軌熾而吏不制宜數肆肯以解散之此未昭政亂之本源不察禍福之所生也後度遼將軍皇甫規解官歸安定鄉人有以貨得鴈門太守者亦去職還家書



刺謁規規臥不迎既入而問卿前在郡食鴈美乎有頃

又白玉符在門規素聞符名乃驚遽而起衣不及帶屣

履出迎接符手而還與同坐極歡時人為之語曰徒見

二千石不如一縫掖禮記儒行孔子曰丘少居魯衣逢掖之衣鄭玄注曰逢猶大也大掖

單衣也言書生道義之為貴也符竟不仕終於家

仲長統字公理山陽高平人也少好學博涉書記瞻於

文辭年三十餘游學青徐并冀之間與交友者多異之

并州刺史高幹袁紹甥也素貴有名招致四方遊士士

多歸附統過幹幹善待遇訪以當時之事統謂幹曰君

有雄志而無雄才好士而不能擇人所以為君深戒也

幹雅自多不納其言統遂去之無幾幹以并州叛卒至

於敗魏志曰高幹叛欲奔南荊州上洛都尉王琰捕斬之也并冀之士皆以是異

統異其有知人之鑒也統性倣儻敢直言不矜小節默語無常時

人或謂之狂生每州郡命召輒稱疾不就常以為凡遊

帝王者欲以立身揚名耳而名不常存人生易滅優游

偃仰可以自娛欲卜居清曠以樂其志論之曰使居有

良田廣宅背山臨流溝池環而竹木周布場圃築前果

園樹後舟車足以代步涉之難使令足以息四體之役

養親有兼珍之膳妻孥無苦身之勞孥讀日奴良朋萃止則

乾隆四年校刊

後漢書卷之十九 列傳

三



陳酒肴以娛之嘉時吉日則烹羔豚以奉之踟躕畦苑

遊戲平林踟躕猶濯清水追涼風釣遊鯉弋高鴻諷於

舞雩之下詠歸高堂之上雩祭旱之名也為壇而舞其上以祈雨焉論語曾點曰春

服既成冠者五六人童子六七人浴乎沂風乎舞雩詠而歸安安神閨房思老氏之玄

虛呼吸精和求至人之仿佛老子曰玄之又玄虛其心實其腹呼吸謂咽氣養生

也莊子曰吹煦呼吸吐故納新又曰至人無已也與達者數子論道講書俯仰

二儀錯綜人物彈南風之雅操發清商之妙曲家語曰舜彈五

絃之琴造南風之詩曰南風之薰兮可以解吾人之愠兮南風之時兮可以阜吾人之財兮三禮圖曰琴本五

絃曰宮商角徵羽文王增二曰少宮少商弦最清也消搖一世之上睥睨天地之

間不受當時之責永保性命之期如是則可以陵霄漢

出宇宙之外矣豈羨夫入帝王之門哉又作詩二篇以

見其志辭曰飛鳥遺跡蟬蛻亡殼騰蛇棄鱗神龍喪角

王充論衡曰蟬蛻化為復育復育轉為蟬蟬之去復育龜之解甲蛇之脫皮可謂尸解矣蛻音式銳反爾雅曰

騰蛇有鱗廣雅曰有角曰龍喪角解角也至人能變達士拔俗乘雲無轡騁

風無足垂露成幃張霄成幄沆瀣當餐九陽代燭霄摩天赤

氣也在旁曰帷在上曰幄陵陽子明經曰沆瀣者北方夜半氣也九陽謂日也山海經曰陽谷上有扶木九日

居下枝也恒星豔珠朝霞潤玉六合之內恣心所欲

人事可遺何為局促大道雖夷見幾者寡任意無非適

物無可古來繞繞委曲如瑣百慮何為至要在我寄愁

天上埋憂地下叛散五經滅棄風雅百家雜碎請用從



火抗志山西游心海左元氣為舟微風為柂

柂船尾也音徒可反

敖翔太清縱意容冶尚書令荀彧聞統名奇之舉為尚

書郎後參丞相曹操軍事每論說古今及時俗行事恒

發憤歎息因著論名曰昌言

昌當也尚書曰汝亦昌言

凡三十四篇

十餘萬言獻帝遜位之歲統卒時年四十一友人東海

繆襲常稱統才章足繼西京董賈劉揚

董仲舒賈誼劉向揚雄也襲字

熙伯辟御史府後至尚書光祿勳

今簡撮其書有益政者畧載之云

理亂篇曰豪傑之當天命者未始有天下之分者也無

天下之分故戰爭者競起焉于斯之時並偽假天威矯

據方國擁甲兵與我角才智程勇力與我競雌雄不知

去就疑誤天下蓋不可數也角知者皆窮角力者皆負

形不堪復仇勢不足復校乃始羈首係頸就我之銜繼

耳

銜勒也繼疆也

夫或曾為我之尊長矣或曾與我為等儕矣

或曾臣虜我矣或曾執囚我矣彼之蔚蔚皆匈詈腹詛

幸我之不成

蔚與鬱古字通

而以奮其前志詎肯用此為終死

之分邪及繼體之時民心定矣普天之下賴我而得生

育由我而得富貴安居樂業長養子孫天下晏然皆歸

心於我矣豪傑之心既絕士民之志已定貴有常家尊

在一人當此之時雖下愚之才居之猶能使恩同天地

威侔鬼神暴風疾霆不足以方其怒陽春時雨不足以



喻其澤周孔數千無所復角其聖賁育百萬無所復奮

其勇矣彼後嗣之愚主見天下莫敢與之違自謂若天

地之不可亡也乃奔其私嗜騁其邪欲君臣宣淫上下

同惡左傳泄治諫陳靈公曰公卿宣淫人無效焉杜預注云宣示也目極角觝之觀耳

窮鄭衛之聲武帝元封三年作角觝戲音義云兩兩相當角力角伎藝射御故名角觝蓋雜技樂

以巴俞戲魚龍蔓延之屬也後更名平樂觀禮記曰鄭音好濫淫志宋音宴安溺志也入則耽於

婦人出則馳於田獵荒廢庶政棄亡人物澶漫彌流無

所底極澶漫猶縱逸也澶音徒且反莊子外篇曰澶漫為樂也信任親愛者盡佞

諂容悅之人也寵貴隆豐者盡后妃姬妾之家也使餓

狼守庖厨飢虎牧牢豚遂至熬天下之脂膏斲生人之

骨髓怨毒無聊禍亂並起中國擾攘四夷侵叛土崩瓦

解一朝而去昔之為我哺乳之子孫者今盡是我飲血

之寇讐也至於運徙勢去猶不覺悟者豈非富貴生不

仁沈溺致愚疾邪存亡以之迭代政亂從此周復天道

常然之大數也左傳曰美惡周必復天之道也又政之為理者取一切

而已非能斟酌賢愚之分以開盛衰之數也日不如古

彌以遠甚豈不然邪漢興以來相與同為編戶齊民而

以財力相君長者世無數焉而清潔之士徒自苦於茨

棘之間無所益損於風俗也豪人之室連棟數百膏田

滿野奴婢千羣徒附萬計徒眾也附親也船車賈販周於四方



廢居積貯滿於都城

史記曰轉穀百數廢居蓄邑注云有所廢有所蓄言其乘時射利也

琦賂寶貨巨室不能容

琦瑋也抱朴子曰片玉馬牛羊可以琦奚必俟盈尺也

豕山谷不能受妖童美妾填乎綺室倡謳妓樂列乎深

堂賓客待見而不敢去車騎交錯而不敢進三牲之肉

臭而不可食清醇之酎敗而不可飲睟盼則人從其目

之所視喜怒則人隨其心之所慮此皆公侯之廣樂君

長之厚實也苟運智詐者則得之焉苟能得之者人不

以為罪焉源發而橫流路開而四通矣求士之舍榮樂

而居窮苦

舍音式者反

棄放逸而赴束縛夫誰肯為之者邪

束縛謂自潔清如拘執也

夫亂世長而化世短亂世則小人貴寵君

子困賤當君子困賤之時踟高天踏厚地猶恐有鎮厭

之禍也

詩小雅曰謂天蓋高不敢不踟謂地蓋厚不敢不踏毛萇注云踟曲也踏累足也

逮至

清世則復入於矯枉過正之檢老者耄矣不能及寬饒

之俗少者方壯將復困於衰亂之時是使姦人擅無窮

之福利而善士挂不赦之罪辜苟目能辯色耳能辯聲

口能辯味體能辯寒溫者將皆以脩絜為諱惡設智巧

以避之焉況肯有安而樂之者邪斯下世人主一切之

愆也昔春秋之時周氏之亂世也逮乎戰國則又甚矣

秦政乘并兼之執放虎狼之心

政始皇名

屠裂天下吞食生

人暴虐不已以招楚漢用兵之苦甚於戰國之時也漢



二百年而遭王莽之亂漢至王莽篡位二百一十計其

殘夷滅亡之數又復倍乎秦項矣以及今日名都空而

不居百里絕而無民者不可勝數孝平帝時凡郡國一

一十四道三十四侯國二百四十一地東西九千三百

二里南北一萬三百六十八里八千九百一十二

萬三千六十二口五千九百五十九萬四千九百七十

八此漢家極盛之時遭王莽喪亂暨光武中興海內人

戶準之於前十裁二三邊方蕭條略無子遺孝靈遭黃

中之寇獻帝嬰董卓之禍英雄基峙白骨膏野兵亂相

尋三十餘年三方此則又甚於亡新之時也悲夫不及

既寧萬不存一也五百年大難三起秦三王二帝通在位四十九年前漢

百七十四年故云不及五百年也中間之亂尚不數焉

三起謂秦末及王莽并獻帝時也變而彌猜下而加酷下猶後也

推此以往可及於盡矣嗟乎

不知來世聖人救此之道將何用也又不知天若窮此

之數欲何至邪

損益篇曰作有利於時制有便於物者可為也事有乖

於數法有翫於時者可改也故行於古有其迹用於今

無其功者不可不變變而不如前易而多所敗者亦不

可不復也漢之初興分王子弟委之以士民之命假之

以生殺之權於是驕逸自恣志意無厭魚肉百姓以盈

其欲報蒸骨血以快其情上有篡叛不軌之姦下有暴

亂殘賊之害雖籍親屬之恩蓋源流形勢使之然也降

乾隆四年校刊

後漢書卷七十九

列傳

七



行淫昏之罪猶尚多焉故淺其根本輕其恩義猶尚假  
 一日之尊收士民之用况專之於國擅之於嗣豈可鞭  
 笞叱咤而使唯我所為者乎時政彫敝風俗移易純樸  
 已去智惠已來老子曰智惠出於禮制之防放於嗜欲  
 出有大偽也  
 之域久矣固不可授之以柄假之以資者也是故收其  
 奕世之權校其從橫之執善者早登否者早去去音祛  
 故下土無壅滯之士國朝無專貴之人此變之善可遂  
 行者也井田之變豪人貨殖館舍布於州郡田畝連於  
 方國身無半通青綸之命而竊三辰龍章之服十三州志曰有  
 秩秩畜夫得假半章印續漢輿服志曰百石青紺綸一采宛轉繆織長丈二尺說文綸青絲綬也鄭玄注禮記曰

綸今有秩畜夫所佩也三辰日月星也龍章謂山龍之章皆畫於衣也  
 不為編戶編戶伍之  
 長而有千室名邑之役周禮小司徒職五人為伍前書曰千室之邑百乘之家言豪強之榮樂過於封君執力  
 俾於守令財賂自營犯法不坐刺客死士為之投命至  
 使弱力少智之子被穿帷敗寄死不斂冤枉窮困不敢  
 自理雖亦由網禁疎闊蓋分田無限使之然也今欲張  
 太平之紀綱立至化之基趾齊民財之豐寡正風俗之  
 奢儉非井田實莫由也此變有所敗而宜復者也肉刑  
 之廢輕重無品下死則得髡鉗下髡鉗則得鞭笞下猶減也  
 死者不可復生而髡者無傷於人髡笞不足以懲中罪



安得不至於死哉

言髡笞太輕不足畏懼而姦人冒罪以陷於死明復古肉刑則人不陷於

也夫雞狗之攘竊男女之淫奔酒醴之賂遺謬誤之傷

害皆非值於死者也殺之則甚重髡之則甚輕不制中

刑以稱其罪則法令安得不參差殺生安得不過謬乎

今患刑輕之不足以懲惡則假減貨以成罪託疾病以

諱殺假增減貨以益其罪託稱疾病令死於獄也科條無所準名實不相應

恐非帝王之通法聖人之良制也或曰過刑惡人可也

過刑善人豈可復哉曰若前政以來未曾枉害善人者

則有罪不死也言善人有罪亦當殺之也是為忍於殺人也劉放曰案文

多一也字而不忍於刑人也今令五刑有品輕重有數科條

有序名實有正非殺人逆亂鳥獸之行甚重者皆勿殺

鳥獸之行謂蒸報也嗣周氏之祕典續呂侯之祥刑此又宜復之

善者也周禮大司寇職掌邦之三典以佐王刑邦國詰四方一曰刑新國用輕典二曰刑平國用中典三曰刑亂國用重典祥刑易曰陽一君二臣君子之道也

善也尚書曰教爾祥刑陰二君一臣小人之道也繫辭之文也陽卦一陽而二陰陰卦一陰而二陽陽為君

陰為臣然則寡者為人士者也眾者為人下者也一伍之

長才足以長一伍者也一國之君才足以君一國者也

天下之王才足以王天下者也愚役於智猶枝之附幹

此理天下之常法也制國以分人立政以分事人遠則

難綏事總則難了今遠州之縣或相去數百千里雖多

難綏事總則難了今遠州之縣或相去數百千里雖多



山陵洿澤猶有可居人種穀者焉當更制其境界使遠

者不過二百里明版籍以相數閱審什伍以相連持

曰凡在版者注云版名籍也以版為之也限夫田以斷并兼定五刑以救死

亡司馬法曰步百為畝畝百為夫夫三為屋屋三為井并兼謂豪富之家以財勢并取貧人之田而兼有之

益君長以興政理急農桑以豐委積去末作以一本業

敦教學以移情性表德行以厲風俗覈才藝以叙官宜

簡精悍以習師田周禮曰凡師田斬牲以左右修武器

以存守戰嚴禁令以防僭差信賞罰以驗懲勸糾游戲

以杜姦邪察苛刻以絕煩暴審此十六者以為政務操

之有常課之有限安寧勿懈墮有事不迫遽聖人復起

不能易也向者天下戶過千萬除其老弱但戶一丁壯

則千萬人也遺漏既多又蠻夷戎狄居漢地者尚不在

焉丁壯十人之中必有堪為其什伍之長推什長已上

則百萬人也又十取之則佐史之才已上十萬人也又

十取之則可使在政理之位者萬人也以筋力用者謂

之人人求丁壯以才智用者謂之士士貴者老充此制

以用天下之人猶將有儲何嫌乎不足也故物有不求

未有無物之歲也士有不用未有少士之世也夫如此

而後可以用天性究人理與頓廢屬斷絕屬猶續也網羅遺

漏拱押天人矣拱執也押搯也或曰善為政者欲除煩



去苛并官省職爲之以無爲事之以無事何子之言云

云也老子云爲無事也曰若是三代不足摹聖人未可師也

摹法也三代皆由肉刑及井田之法今不用是不摹之也君子用法制而至於化小

人用法制而至於亂均是一法制也或以之化或以之

亂行之不同也苟使豺狼牧羊豚盜跖主征稅國家昏

亂吏人放肆則惡復論損益之間哉惡音鳥夫人待君子

然後化理國待蓄積乃無憂患君子非自農桑以求衣

食者也蓄積非橫賦斂以取優饒者也奉祿誠厚則割

剝貿易之罪乃可絕也蓄積誠多則兵寇水旱之灾不

足苦也故由其道而得之民不以爲奢由其道而取之

民不以爲勞天灾流行開倉庫以稟貸不亦仁乎衣食

有餘損靡麗以散施不亦義乎彼君子居位爲士民之

長固宜重肉累帛朱輪駟馬今反謂薄屋者爲高藿食

者爲清既失天地之性又開虛僞之名使小智居大位

庶績不成熙未必不由此也得拘絜而失才能非立功

之實也拘絜謂自拘束而絜其身者即隱逸之人也以廉舉而以貪去非士

君子之志也去音欺呂反夫選用必取善士善士富者少而

貧者多祿不足以供養安能不少營私門乎從而罪之

是設機置筭以待天下之君子也筭穿地陷獸也機弩牙也盜賊凶

荒九州代作饑饉暴至軍旅卒發橫稅弱人割奪吏祿



所恃者寡所取者猥猥猶多也萬里懸乏首尾不救徭役並

起農桑失業兆民呼嗟於昊天貧窮轉死於溝壑矣今

通肥饒之率計稼穡之入令畝收三斛斛取一斗未為

甚多二歲之間則有數年之儲雖興非法之役恣奢侈

之欲廣愛幸之賜猶未能盡也不循古法規為輕稅及

至一方有警一面被災未逮三年校計騫矩坐視戰士

之蔬食立望餓殍之滿道如之何為君行此政也孟子曰塗

有餓殍而不知發趙岐注云餓死者曰李李與殍通音皮表反二十稅一名之曰貊況

三十稅一乎孟子曰吾欲二十而取一何如孟子曰子載白圭曰吾欲二十而取一何如孟子曰子之之道貊也趙岐注云貊夷貊之人

在荒者也貊在北方其氣寒不生五穀無中國之禮故可二十取一而足也此言欲輕稅也夫薄吏

祿以豐軍用緣於秦征諸侯續以四夷漢承其業遂不

改更危國亂家此之由也今田無常主民無常居吏食

日稟稟給也祿班未定劉放曰案文當作班祿可為法制畫一定科

租稅十一更賦如舊更賦已見光武紀也今者土廣民稀中地未

墾上田已耕唯中地已下未也雖然猶當限以大家勿令過制其地

有草者盡曰官田力堪農事乃聽受之若聽其自取後

必為姦也

法誠篇曰周禮六典冢宰貳王而理天下爾雅曰冢大也貳謂副貳

也周禮天官冢宰掌建邦之六典以佐王理邦國一曰理典以理官府二曰教典以擾萬姓三曰禮典以諸萬

姓四曰政典以均萬姓五曰刑典以糾萬姓六曰事典以生萬姓也春秋之時諸侯明德

乾隆四年校刊

後漢書卷之九

三



者皆一卿為政爰及戰國亦皆然也秦兼天下則置丞相而貳之以御史大夫自高帝逮于孝成因而不改多終其身漢之隆盛是惟在焉夫任一人則政專任數人則相倚政專則和諧相倚則違戾和諧則太平之所興也違戾則荒亂之所起也光武皇帝愠數世之失權忿疆臣之竊命愠猶恨也數代謂元成哀平疆臣謂王莽矯枉過直政不任下雖置三公事歸臺閣臺閣謂尚書也自此以來三公之職備員而已然政有不理猶加譴責而權移外戚之家寵被近習之豎親其黨類用其私人內充京師外布列郡顛倒賢愚貿易選舉疲駑守境貪殘牧民撓擾百姓忿怒四

夷撓音火高反招致乖叛亂離斯瘼瘼病也怨氣並作陰陽失

和三光虧缺怪異數至蟲螟食稼水旱為灾此皆戚宦

之臣所致然也反以策讓三公至於死免乃足為叫呼

蒼天號咷泣血者也又中世之選三公也務於清慤謹

慎循常習故者是婦女之檢桺鄉曲之常人耳惡足以

居斯位邪檢桺猶規矩也執既如彼選又如此而欲望三公勲

立於國家績加於生民不亦遠乎昔文帝之於鄧通可

謂至愛而猶展申屠嘉之志展猶申也文帝時太中大

丞相申屠嘉奏事見之罷朝召通責之曰通小臣戲殿

上大不敬當斬通頓首首盡出血文帝使人召通謝丞相曰此吾弄夫見任如此則何患於左右小臣哉至如

臣君其釋之



近臣外戚宦豎請託不行意氣不滿立能陷人於不測之禍惡可得彈正者哉曩者任之重而責之輕今者任之輕而責之重昔賈誼感絳侯之困辱因陳大臣廉耻之分開引自裁之端文帝時賈誼上書曰大臣有罪不執縛係引而行也其有大罪者聞命則北面再拜跪而自裁上不使人掉抑而刑之也是時丞相絳侯周勃免就國人有告勃謀反繫長安獄卒無事復爵邑故誼以此譏上上深納其言是後大臣有罪皆自殺不受刑也自此以來遂以成俗繼世之主生而見之習其所常曾莫之悟嗚呼可悲夫左手據天下之圖右手刎其喉愚者猶知難之況明哲君子哉言不以重利害其生事見莊子光武奪三公之重至今而加甚不假后黨以權數世而不行蓋親疎之勢異也言

武奪三公重任今奪更甚光武不假后黨威權數代遂不遵行此為三公疏后族親故也母后之黨

左右之人有此至親之勢故其責任萬世常然之敗無世而無之莫之斯鑒亦可痛矣未若置丞相自總之若委三公則宜分任責成夫使為政者不當與之婚姻婚姻者不當使之為政也如此在位病人病人謂萬姓困敝也舉用失賢百姓不安爭訟不息天地多變人物多妖然後可以分此罪矣或曰政在一人權甚重也曰人實難得何重之嫌昔者霍禹竇憲鄧騭梁冀之徒藉外戚之權管國家之柄及其伏誅以一言之詔詰朝而決何重之畏乎今夫國家漏神明於媒近輸權重於婦黨筭十世而



為之者八九焉不此之罪而彼之疑何其詭邪此謂后黨彼謂

三公也詭猶違也

論曰百家之言政者尚矣尚猶遠也大畧歸乎寧固根柢革

易時敝也夫遭運無常意見偏雜故是非之論紛然相

乖嘗試妄論之謙不敢正言也以為世非胥庭人乖穀飲化迹

萬肇情故萌生赫胥氏大庭氏並古之帝號莊子曰夫聖人鶉居而穀飲言鶉鳥無常居穀飲

不假物並淳朴時也肇始也雖周物之智不能研其推變山川之奧

未足況其紆險易繫辭曰知周乎萬物而道濟天下推遷也莊子曰凡人心險於山川難於知

也天則應俗適事難以常條如使用審其道則殊塗同會

才爽其分則一豪以乖用得其人審其道也授非其才爽其分也易繫辭曰天下同歸

而殊塗一致而百慮易緯日差以毫釐失之千里何以言之若夫玄聖御世則

天同極施舍之道宜無殊典莊子曰玄聖素王道也極猶致也言法天之道同其

致也施舍而損益異運文朴遞行論語孔子曰殷因於夏禮所損益可知也

朴質也禮記曰文質再而復也用明居晦回次於曩時興戈陳俎參差

於上世回次猶攜互不齊一也次音穴及至戴黃屋服絺衣豐薄不齊

而致化則一前書音義曰天子車以黃繒為蓋裏故曰黃屋韓子曰堯之王天下也冬日鹿裘夏

日葛衣絺葛也亦有宥公族黥國儲寬慘巨隔而防非必同此

其分波而共源百慮而一致者也禮記曰公族有死罪獄成有司讞于公曰

某之罪在大辟公曰宥之有司又曰在大辟公又曰宥

之史記曰秦孝公太子犯法衛鞅曰太子君嗣也不可施刑刑其傅公子虔黥其師公孫賈也若乃偏情矯用則枉直必過孟子曰

乾隆四年校刊



枉過直矯正也枉曲也言正曲者過于直以喻故葛屨

履霜敝由崇儉詩魏風序曰葛屨刺褻也詩曰糾糾葛屨可以

履霜鄭玄注云葛屨賤皮屨貴魏俗楚楚衣服戒在窮

賒詩曹風序曰蜉蝣渠略也朝生夕死猶有羽翼以自飾

楚楚鮮貌也喻曹朝羣臣皆小人也徒疎禁厚下以尾

大陵弱疎禁謂防制太寬厚下謂封建太廣言周室微

大不掉也斂威峻罰以苛薄分崩斂聚也言秦酷也斯曹

魏之刺所以明乎國風周秦末軌所以彰於微滅故用

舍之端興敗資焉是以繁簡唯時寬猛相濟刑書鑄鼎

事有可詳三章在令取貴能約左傳曰鄭人鑄刑書杜預注云鑄刑書于鼎以

為國之常法也高祖初入關除太叔致猛政之褒國子

流遺愛之涕左傳曰鄭子產有疾謂子太叔曰我死子

猛又日子產卒仲尼聞之出涕曰古之遺愛也宣孟改

冬日之和平陽循畫一之法斯實弛張之弘致可以徵

其統乎宣孟晉大夫趙盾也左傳賈季對鄆舒曰趙衰

夏日可畏前書平陽侯曹參為相國百姓歌之曰蕭何

為法講若畫一曹參代之守而勿失載其清靜人以寧

一隅之說一隅謂一方偏見也貴清靜者以席上為腐議束名實

者以柱下為誕辭清靜謂道家也席上謂儒也腐朽也

隨何曰安用腐儒哉名實名家也柱下或推前王之風可

下老子也誕虛也言志各不同也



行於當年有引救敝之規宜流於長世稽之篤論將為

敝矣如以舟無推陸之分瑟非常調之音古法不施于今猶舟不可

行之于陸也今法有合于時如瑟可移柱而調也莊子曰是推舟于陸勞而無功也前書董仲舒曰琴瑟不調

甚者必解而更張之乃可鼓也為政不限局以疑遠不

拘立以妨素則化樞各管其極理略可得而言與音

贊曰管視好偏羣言難一救朴雖文矯遲必疾舉端自

理滯隅則失詳觀時蠹成昭政術滯隅謂偏執一隅也淮南子曰非循一跡

之路守一隅之指而不與俗推移也

後漢書卷七十九

後漢書卷七十九考證

仲長統傳抗志山西游心海左○西字監本作栖臣會

汾按山西與海左對今從宋本

甚於戰國之時也○之時也三字監本誤作則又甚從

宋本改



宋本如

後漢書卷七十九考證

後漢書卷八十

宋

宣

城

太

守范

擘撰

唐

章

懷

太

子

賢注

孝明八王列傳第四十

孝明皇帝九子賈貴人生章帝陰貴人生梁節王暢餘

七王本書不載母氏

本書謂東觀記也

白武千乘哀王建傳

平五非冬有數費

今帝世承平繼

千乘哀王建永平三年封明年薨年少無子國除備

王敬王美傳泗水案與世圖合精圖可口皆善

陳敬王美永平三年封廣平王建初五年有司奏遣美



與鉅鹿王恭樂成王黨俱就國肅宗性篤愛不忍與諸

王乖離遂皆留京師明年案輿地圖令諸國戶口皆等

租入歲各八千萬美博涉經書有威嚴與諸儒講論於

白虎殿七年帝以廣平在北多有邊費廣平縣故城在今洛州永年縣

北乃徙美為西平王西平縣屬汝南郡也分汝南八縣為國及帝

崩遺詔徙封為陳王食淮南郡其年就國立三十七年

薨子思王鈞嗣鈞立多不法遂行天子大射禮天子將祭擇士

而祭謂之大射大射之禮張三侯虎侯熊侯豹侯示服

猛也皆以其皮方制之樂用騶虞九節謝承書曰陳國

戶曹史高慎諫國相曰諸侯射豕天子射熊八彝六樽

禮數不同昔季氏設朱干玉戚以舞大夏左傳曰唯名

與器不可以假人奢僭之漸不可聽也性隱賊喜文法

於是諫爭不合為王所非坐司寇罪也

國相二千石不與相得者輒陰中之憎怨敬王夫人李

儀等永元十一年遂使客隗久或殺儀家屬吏捕得

久繫長平獄長平縣屬陳國鈞欲斷絕辭語復使結客篡殺久

事發覺有司舉奏鈞坐削西華項新陽三縣西華故城在今陳州

澗水縣西北項今陳州項城縣也新陽故城今在豫州真陽縣西南也十二年封鈞六弟

為列侯伏侯古今注曰番為陽都鄉侯千秋為新平侯

高亭侯也後鈞取掖庭出女李嬈為小妻嬈音寧復坐削

宜祿扶溝三縣圍扶溝並屬陳留郡宜祿屬汝南郡永初七年封敬王孫

安國為耕亭侯鈞立二十一年薨子懷王竦嗣立二年

薨無子國絕永寧元年立敬王子安壽亭侯崇為陳王



是為項王立五年薨子孝王承嗣承薨子愍王寵嗣熹

平二年國相師遷追奏前相魏愔與寵共祭天神希幸

非冀罪至不道有司奏遣使者案驗是時新誅勃海王

惺靈帝熹平元年惺被誣謀反自殺也靈帝不忍復加法詔檻車傳送愔

遷詣北寺詔獄使中常侍王酺華嶠書及宦者傳諸本並作甫此云酺未詳孰

是與尚書令侍御史雜考愔辭與王共祭黃老君○劉放曰

案文黃老君不成文當云黃帝老君求長生福而已無它冀幸酺等奏愔

職在匡正而所為不端遷誣告其王罔以不道皆誅死

有詔赦寵不案寵善弩射十發十中中皆同處華嶠書曰寵射

其秘法以天覆地載參連為奇又有三微三小三微為經三小為緯經緯相將萬勝之方然要在機牙中

平中黃巾賊起郡縣皆棄城走寵有彊弩數千張出軍

都亭置軍營於國之都亭也國人素聞王善射不敢反叛故陳獨

得完百姓歸之者眾十餘萬人及獻帝初義兵起寵率

眾屯陽夏縣名屬淮陽國夏音公雅反自稱輔漢大將軍國相會稽

駱俊素有威恩時天下饑荒鄰郡人多歸就之俊傾資

賑贍並得全活後袁術求糧於陳而俊拒絕之術忿恚

遣客詐殺俊及寵陳由是破敗謝承書曰俊字孝遠烏傷人察孝廉補尚書侍

郎擢拜陳國相人有產子厚致米肉達府主意生男女

者以駱為名袁術使部曲將張闔陽私行到陳之俊所

俊往從飲酒因詐殺俊一郡吏人哀號如喪父母是時諸國無復租祿而數見

虜奪并日而食轉死溝壑者甚眾夫人姬妾多為丹陵



兵烏桓所略云

彭城靖王恭傳

彭城靖王恭永平九年賜號靈壽王

取其美名也下重熹王亦同東觀記

日賜號未

十五年封為鉅鹿王建初三年徙封江陵王

改南郡為國元和二年三公上言江陵在京師正南不

可以封乃徙為六安王以廬江郡為國肅宗崩遺詔徙

封彭城王食楚郡其年就國恭敦厚威重舉動有節度

吏人敬愛之永初六年封恭子阿奴為竹邑侯

竹邑縣屬沛郡

故城在今徐州符離縣也

元初三年恭以事怒子酺酺

自殺

東觀記曰恭子男丁前物故酺侮慢丁小妻恭怒閉酺馬廐酺亡夜詣彭城縣欲上書恭遣從官倉

頭曉令歸數責之乃自殺也

國相趙牧以狀上因誣奏恭祠祀惡言

大逆不道有司奏請誅之恭上書自訟朝廷以其素著

行義令考實無徵牧坐下獄會赦免死

決錄注曰牧字仲師長安人少

知名以公正稱修春秋事樂恢恢以直諫死牧為陳寃

得申高第為侍御史會稽太守皆有稱績及誣奏恭安

帝疑其侵乃遣御史母丘歆覆案其

事實下牧廷尉會赦不誅終於家 恭立四十六年薨

東觀記曰

子考王道嗣元初五年封道弟三人為鄉侯

東觀記曰 侯國為安鄉侯 恭孫順為東安亭侯道立二十八年薨

子頃王定嗣本初元年封定兄弟九人皆為亭侯

東觀記曰

定兄據卞亭侯弟光昭陽亭侯固公梁亭侯興蒲亭侯

延昌城亭侯祀梁父亭侯堅西安亭侯代林亭侯也 定立四年薨子孝王和嗣和性至孝太夫人薨行喪陵



次毀齒過禮傅相以聞桓帝詔使奉牛酒迎王還宮和  
 敬賢樂施國中愛之初平中天下大亂和為賊昌務所  
 攻避奔東阿後得還國立六十四年薨孫祗嗣立七年  
 魏受禪以為崇德侯

平性後漢書卷八十一  
 樂成靖王黨傳

樂成靖王黨永平九年賜號重熹王十五年封樂成王

黨聰慧善史書喜正文字與肅宗同年尤相親愛建初

四年以清河之游觀津勃海之東光成平涿郡之中水

饒陽安平南深澤八縣益樂成國

前書及郡國志清河無游縣觀津故城在今德州舊縣東北東光在滄州東光縣南成平在景城縣南中水在今瀛州樂壽縣西北南深澤在今定州深

澤縣東也及帝崩其年就國黨急刻不遵法度舊禁宮人出

嫁不得適諸國有故掖庭技人哀置嫁為男子章初妻

哀姓置名也稱男子者無官爵也黨召哀置入宮與通初欲上書告之

黨恐懼乃密賂哀置姊焦使殺初事發覺黨乃縊殺內

侍三人以絕口語又取故中山簡王傅婢李羽生為小

妻永元七年國相舉奏之和帝詔削東光鄆二縣

鄆屬鉅鹿郡鄆音羌堯反立二十五年薨子哀王崇嗣立二月薨無子

國絕明年和帝立崇兄脩侯巡為樂成王是為釐王

脩及條縣皆屬勃海條字或作脩立十五年薨子隱王賓嗣立八年薨無

子國絕明年復立濟北惠王子萇為樂成王後萇到國



數月驕淫不法愆過累積冀州刺史與國相舉奏其罪

至不道安帝詔曰其有覲其面而放逸其心覲姑也言面姑然無

魏姑音胡八反知陵廟至重承繼有禮不惟致敬之節肅穆之

慎乃敢擅損犧牲不備苾芬詩小雅曰苾苾芬芬祀事孔明慢易大姬

不震厥教大姬即其母所繼出入顛覆風淫于家娉取人

妻饋遺婢妾歐擊吏人專已凶暴愆罪莫大甚可恥也

朕覽八辟之議不忍致之于理周禮司寇以八辟麗邦法一曰議親之辟二曰

議故之辟三曰議賢之辟四曰議能之辟五曰議功之辟六曰議貴之辟七曰議勤之辟八曰議賓之辟其

貶其爵為臨湖侯臨湖屬廬江郡朕無則哲之明致簡統失序

罔以尉承大姬增懷永歎袁宏紀曰尚書侍郎冷宏議以為自非聖人不能無過故

王太子生為立賢師傅以訓導之是以目不見惡耳不

聞非能保其社稷高明令終其少長藩國內無過庭之

訓外無師傅之道血氣方剛卒受榮爵幾微生過遂陷

不義臣聞周官議親愬愚見赦其長不殺無辜以譴阿為

非無赫赫大惡可裁削奪損其租賦令得改過自延光

元年以河間孝王子得嗣靖王後以樂成比廢絕故改

國曰安平是為安平孝王立三十年薨子續立中平元

年黃巾賊起為所劫質囚于廣宗今貝州宗城縣也隨室諱改焉賊平

復國其年秋坐不道被誅立三十四年國除對道

全姓下邳惠王衍傳魏國衍封衍有容貌肅宗即位常在

左右建初初冠詔賜衍師傅已下官屬金帛各有差四



年以臨淮郡及九江之鍾離當塗東城歷陽全椒合十

七縣益下邳國鍾離在今濠州鍾離縣東當塗在縣西南東城在定遠縣東南歷陽和州縣也

全椒今滁帝崩其年就國衍後病荒忽而太子邛有罪

廢諸姬爭欲立子為嗣連上書相告言和帝憐之使彭

城靖王恭至下邳正其嫡庶立子成為太子東觀記載賜恭詔曰

皇帝問彭城王始夏無恙蓋聞堯親九族萬國協和書

典之所美也下邳王被病沈滯之疾昏亂不明家用不

寧姬妾適庶諸子分爭紛紛至今前太子邛頑凶失道

陷于大辟是後諸子更相誣告迄今適嗣未知所定朕

甚傷之惟王與下邳王恩義至親正此國嗣非王而誰

禮重適庶之序春秋之義大居正孔子曰惟仁者能好

人能惡人貴仁者所好惡得其中也太子國之儲嗣可

不慎歟王其差次下邳諸子可為太子者上名將及景

風拜授衍立五十四年薨子貞王成嗣永建元年封成

兄二人及惠王孫二人皆為列侯成立二年薨子愍王

意嗣陽嘉元年封意弟八人為鄉亭侯中平元年意遭

黃巾棄國走賊平復國數月薨立五十七年年九十子

哀王宜嗣數月薨無子建安十一年國除

梁節王暢傳

梁節王暢永平十五年封為汝南王母陰貴人有寵暢

尤被愛幸國土租入倍於諸國肅宗立緣先帝之意賞

賜恩寵甚篤建初二年封暢舅陰棠為西陵侯西陵縣屬江夏

郡四年徙為梁王以陳留之鄆寧陵濟陰之薄單父已



縣東北單父今宋州縣也巳氏今宋州楚丘縣也成武今曹州縣也

帝崩其年就國暢性聰惠然少貴驕頗不遵法度歸國後數有惡夢從官卞

忌自言能使六丁善占夢六丁謂六甲中丁神也若甲子旬中則丁卯爲神甲寅旬

中則丁巳爲神之類也役使之法先齋戒然後其神至可使致遠方物及知吉凶也暢數使卜筮

又暢乳母王禮等因此自言能見鬼神事遂共占氣祠

祭求福忌等諂媚云神言王當爲天子暢心喜與相應

荅永元五年豫州刺史梁相舉奏暢不道考訊辭不服

有司請徵暢詣廷尉詔獄和帝不許有司重奏除暢國

徒九真帝不忍但削成武單父二縣暢慙懼上疏辭謝

曰臣天性狂愚生在深宮長養傅母之手信惑左右之

言及至歸國不知防禁從官侍史利臣財物熒惑臣暢

臣暢無所昭見與相然諾不自知陷死罪以至考察肌

慄心悸自悔無所復及自謂當卽時伏顯誅魂魄去身

分歸黃泉不意陛下聖德枉法曲平不聽有司曲平曲法申恩

平處其罪橫貸赦臣戰慄連月未敢自安上念以負先帝而

令陛下爲臣收汗天下汗惡也天下以帝赦王爲惡故言收惡天下也誠無氣

以息筋骨不相連臣暢知大貸不可再得自誓束身約

妻子不敢復出入失繩墨不敢復有所橫費租入有餘

乞裁食睢陽穀孰虞蒙寧陵五縣還餘所食四縣臣暢

小妻三十七人其無子者願還本家自選擇謹勅奴婢



二百人其餘所受虎賁官騎及諸工技鼓吹蒼頭奴婢  
兵弩廐馬皆上還本署臣暢以骨肉近親亂聖化汗清  
流既得生活誠無心面目以凶惡復居大宮食大國張  
官屬藏什物願陛下加大恩開臣自悔之門假臣遷善  
之路令天下知臣蒙恩得去死就生頗能自悔臣以公  
卿所奏臣罪惡詔書常置於前晝夜誦讀臣小人貪見  
明時不能即時自引惟陛下哀臣令得喘息漏刻若不  
聽許臣實無顏以久生下入黃泉無以見先帝此誠臣  
至心臣欲多還所受恐天恩不聽許節量所留於臣暢  
饒足詔報曰朕惟王至親之屬淳淑之美傅相不良不

能防邪至今有司紛紛有言今王深思悔過端自克責  
朕惻然傷之志匪由于咎在彼小子

謂由卜忌及一日王禮等也

克已復禮天下歸仁王其安心靜意茂率休德易不云

乎一謙而四益小有言終吉

易謙卦曰天道虧盈而益謙地道變盈而流謙鬼神

害盈而福謙人道惡盈而好謙為謙是一而天地神人皆益之故曰一謙而四益訟卦初六曰小有言終吉言王雖小有訟言而終吉也強食自愛暢固讓章數上卒不許立二十

七年薨子恭王堅嗣永元十六年封堅弟二人為鄉亭

侯堅立二十六年薨子懷王匡嗣永建二年封匡兄弟

七人為鄉亭侯匡立十一年薨無子順帝封匡弟孝陽

亭侯成為梁王是為夷王立二十九年薨子敬王元嗣



立十六年薨子彌嗣立四十年魏受禪以為崇德侯

淮陽頃王昞傳

淮陽頃王昞永平五年封常山王建初四年徙為淮陽

王以汝南之新安西華益淮陽國立十六年薨未及立

嗣永元二年和帝立昞小子側復為常山王奉昞後是

為殤王立十三年薨父子皆未之國並葬京師側無子

其月立兄防子侯章為常山王和帝憐章早孤數加賞

賜延平元年就國立二十五年薨是為靖王子頃王儀

嗣永建二年封儀兄二人為亭侯儀立十七年薨子節

王豹嗣永嘉元年封豹兄四人為亭侯豹立八年薨子

嵩嗣三十二年遭黃巾賊棄國走建安十一年國除

濟陰悼王長傳

濟陰悼王長永平十五年封建初四年以東郡之離孤

陳留之長垣益濟陰國立十三年薨于京師無子國除

論曰晏子稱夫人生厚而用利於是乎正德以幅之謂

之幅利言人情須節以正其德亦由布帛須幅以成其

度焉左傳云齊景公與晏子却殿之邑六十晏子不受

曰夫富如布帛之有幅焉為之度使無遷也夫人

生厚而用利於是正德以幅之謂之幅明帝封諸子租

歲不過二千萬馬后為言而不得也東觀明紀曰皇子

案輿地圖皇后在傍言鉅鹿樂成廣平各數縣租穀百

萬帝令滿二千萬止諸小王皆當畧與楚淮陽相比什

乾隆四年校刊



減三四我子不當與先帝子等者也賢哉豈徒儉約而已乎知驕貴之無

馱嗜欲之難極也故東京諸侯鮮有至於禍敗者也

贊曰孝明傳胤維城八國陳敬嚴重彭城厚德邳嬰

痾梁節邪惑三藩夙齡謂千乘淮陽濟陰並早歿黨惟荒忒也夫入

之誦誅言人部與論以五其弊亦由亦昂與誦以知其

請曰晏子無夫人主恩而以其故長乎五齡以誦之謂

刺留之具世益補國立十三平慕千京相無千國創

齊創制王是永平十正平桂蟻陳國辛以東滌之辦歷

齊創制王是永平十正平桂蟻陳國辛以東滌之辦歷

後漢書卷八十 齊創制王是永平十正平桂蟻陳國辛以東滌之辦歷

後漢書卷八十考證

陳敬王羨傳徙封為陳王食淮南郡○臣會汾按諸本

或作淮南或作淮陽皆非也前後書志兩漢並無淮

南淮陽郡名前漢之淮陽國即後漢之陳國也陳與

淮陽既為一所則徙封陳王之下不須更言食淮陽

郡以上下文義參之明是汝南郡無疑也前云徙為

西平王分汝南八縣為國至此雖徙封陳王而所食

租稅仍兼汝南正所以優異之陳與汝南並隸豫州

刺史部也下云坐削西華項新陽三縣又坐削圍宜

祿扶溝三縣據郡國志西華項新陽宜祿並屬汝南



則監本僅誤一淮字別本作淮陽尤爲謬矣  
情辭與王共祭黃老君注劉攽曰按文黃老君不成文  
當云黃帝老君○刊誤補遺曰真誥云大洞之道至  
精至妙是守素真人之經昔中央黃老君秘此經世  
不知也則道家又自有黃老君  
多爲丹陵兵烏桓所畧云○陵監本誤作陽今改正  
樂成靖王黨傳子續立○續字一本作績

後漢書卷八十考證



